


四書說統



論語 卷十之十三



漢書門		
八	五	三
九	七	七
一	四	架
函	號	類

內閣文庫		
八	五	三
九	七	七
一	四	架
函	號	類

內閣文庫	
番號	漢 8537
冊數	・ 14 (6)
函號	277 86



綴じ部(喉部分)の文字など開きが不鮮明な箇所あり


上論

評



石鏡山房四書說統卷之十

述而第七



此述字當與祖述述字參者

子曰述而不作信而好古竊比於我老彭
 按春秋時異端朋興各立門戶以相角夫子懼聖真之不能統
 一也故特借述之一字以範圍今古分明維持道統的意思
 須知不作不是謙詞蓋天地間止有此理古來作者大倫即聖
 人豈能一毫增加自無所容吾之作身信而好古正是申明述
 而不作的緣故而好字又從信字生來此信字正千古相傳之
 心印也引老彭來做箇佐証正見古來道統原是一脉相承正
 是述而不作處

四書說統

卷之十

石鏡

袁了凡曰此章只重一信字古先聖立教垂世其精神儼然如
在學者只是不信故覺有自己聰明意見可用已得古人之心
自然信得古人過心相孚契古人的精神便是我的精神古
人的說話便是我的說話何須更贅一詞故夫子贊脩刪定只是
有減無增也故曰述而不作此是夫子真實語古人有道哉與
之同故深信深好之不知道者不足以與此○徐儼弦曰張子
謂孔孟而後其心不傳如荀揚皆不能知惠按夫子信古傳述
蓋是其心相湊合處
附錄 邵堯夫曰夫子贊易自伏羲祖三皇也序書自堯舜宗五帝
也刪詩自商湯子孫皇也修春秋自魯隱孫五霸也○徐儼弦

曰刪詩書定禮樂贊周易修春秋吾夫子傳伏羲神農黃帝堯
舜禹湯文武周公之心者也以其心而寓之刪脩贊定述天理
而時措之也若認刪脩贊定是述便是親指而遺月

○

子曰默而識之學而不厭誨人不倦何有於哉
此章只重一默字正學脈微察處默識是從親聞不交之地聲
與俱泯之中默悟默證者也以此為學則不厭以此誨人則不
倦合人我而皆融於一點寂微察最深遠故曰何有於哉聖人
望道未見如此李衷一曰看來學不厭誨不倦夫子既自任云
爾此處又云何有於哉真是加一默識在上地位自別王龍溪
曰默而識之此是千古學脈虞庭謂之道心之微學而非默則

要知不厭
不倦即是

石鏡

涉於聲臭。誨人非默。則墮於言詮。故曰何有於我哉。非自謙之詞。乃真語也。

解。識。灌。貞。菴。曰。默。識。非。必。不。言。只。是。時。時。在。心。上。理。會。惺。惺。不。忘。不。徒。為。口。耳。之。學。也。張。南。軒。云。默。識。非。意。言。所。及。蓋。森。然。於。不。觀。不。聞。之。間。者。也。此。即。不。言。而。存。諸。心。之。說。袁。了。凡。曰。默。識。

心。通。乃。自。得。之。學。若。以。識。為。記。謬。矣。不。言。而。記。與。言。而。記。同。是。攬。塵。障。覺。之。事。楊。慈。湖。曰。默。而。識。之。覺。也。不。可。思。不。可。言。也。易。

曰。神。而。明。之。顏。子。不。違。如。愚。正。是。此。境。此。即。不。言。而。心。解。之。說。離。解。王。宇。泰。曰。孔。子。言。默。而。識。之。非。默。於。口。也。默。於。心。也。默。於。心。者。言。思。路。斷。心。行。處。滅。而。豁。然。有。契。焉。以。無。情。契。之。也。以。無。

情。契。之。猶。其。以。無。言。契。之。也。故。命。之。曰。默。夫。有。所。學。則。厭。默。識。以。為。學。學。不。厭。矣。有。所。誨。則。倦。默。識。以。為。誨。誨。不。倦。矣。有。非。默。也。故。曰。何。有。於。我。哉。雖。然。真。能。默。識。者。即。有。名。未。嘗。不。無。此。又。

未。易。以。有。無。論。也。羅。近。溪。曰。不。厭。不。倦。正。夫。子。安。身。立。命。處。豈。肯。推。開。說。何。有。於。我。也。竊。意。當。云。吾。人。厭。學。倦。教。只。是。未。見。意。趣。若。果。默。識。其。中。妙。趣。其。於。不。厭。不。倦。又。何。有。哉。何。有。解。作。不。

難。正。與。公。西。華。章。可。謂。云。爾。語。相。合。鄒。東。廓。曰。中。庸。一。書。正。是。發。明。默。字。脉。絡。何。有。句。乃。夫。子。掃。塵。語。

子。曰。德。之。不。脩。學。之。不。講。聞。義。不。能。徙。不。善。不。能。改。是。吾。憂。也。

朱。子。曰。此。四。句。修。德。是。本。為。要。脩。德。故。去。講。學。下。面。徙。義。改。過。

何。有。解。鄒。說。更。勝。

者。有。字。又。轉。一。解。

即脩德之目也。袁了凡曰：脩者治而去之之謂。凡脩德，只用減不用增。日用中淨除現業流識，即是脩也。學者學此而已。工夫至細，故須講明。合此之謂義，背此之謂不善。曰：脩曰講曰徙曰改，乃是下學切緊工夫。鄒肇敏曰：不脩等四項，都在吾憂中討出。蓋曰：若德之不脩等，皆是吾憂。惟日以不修為憂，而日求其脩，非有不脩，然後引為憂也。

周季侯曰：先賢謂聖賢做工夫，愁窮說苦與凡心一般。此於脩德講學諸語，一一大有體驗。吳曰：之曰學問與造化一般。頃刻無停機，若工夫稍有作輟，這生機便斬絕。此等去處，更自推干不得。

辨改 鄒東郭曰：學者不識自家德性，未免向外馳逐。義是德性，性本來安宅，必須搬居。故曰：徙不善是德性，錯走路途，必須走轉。故曰：改。

子之燕居申申如也。天天如也。學者隨地畫出箇夫子來，傳神全在兩如字上。○申申是展布的意思，天是欣暢的意思。物當閉鬱之後，發生之始，初申出而未分披，方天好而未爛煬。天天即在申申中形容不盡，此可想見。聖人慎獨之妙。

朱子曰：學者但得身心收斂，則自然和樂。○王字恭曰：夫子之申申，天天即文王之雍雍，肅肅不識不知，順帝之則。

○子曰甚矣吾衰也久矣吾不復夢見周公

精氣所感形諸夢寐周公不夢則孔子不得為周公也可知此

所以有感而嘆也雖然不形諸夢而猶記於心夫子果未嘗一

日忘周公也○甚矣與久矣相應夫子以天下之否泰為一身

之盛衰張賓王曰即夢也無了東周事業又作何想

戴少望曰顏淵死聖人觀之人事鳳不至圖不出聖人察之天

意不夢見周公○聖人驗之吾身自是箇証兆處張南軒曰夫子

夢見周公之心周公思兼三王之心也

別解張子韶詠曰向也於公隔一重尋思常在夢魂中如今已

是心相識你自西行我自東王龍溪曰孔子要行周公之事成

東周之業豈不是好念頭此尚為放不下的擔子及至晚年不

復夢見周公始全體放下此是學到熟處所謂從心不踰矩是

也

○志於道章旨○此章通是心上工夫即游藝亦為養心勿分內

外本末只志道一句便含下面數句工夫自住不得莊生云用

志不分乃凝於神只一志不斷自然有此境界

按此章提志道為綱其說本之陽明確不可易或作四平看曰

志曰據曰依曰游工夫一時並到所得雖有淺深實無先後之

可言若據筆乘解又提依仁句為綱志道據德是入手工夫游

藝是得手工夫并附筆乘曰志於道有二也據於德則得矣猶

曰書說說

石鏡

有迹也。依於仁則察矣。猶有仁也。進乎此則德與仁皆所不知。夫何為哉。唯有游於藝而已。藝即道。道即藝。本不異而人自異之。唯無纖芥求乎藝之外也。吾必以為知道矣。按此說亦本之許氏通義。若據舊解。自志道至依仁。是從粗入精。自依仁而游藝。是自本兼末。

子曰志於道

衰了。凡曰人須是立志。天地間至尊者道。孰不知慕。但為種種嗜好。所移。遂流浪墮落。學者須志於道。思千古聖賢。只這條路。將一切岐雜情。趣盡抹殺。歸併一處。正是全體精神。毫無走漏處。

解雖過高
大可參悟

石

附楊慈湖曰。通三才。惟有此道而已。百姓日用而不知。雖視聽言動。心思之。皆道而自昏也。此心即道。奚俟他求。既發。則不可不志於此。故曰志於道。愚按。性體有何名目。道與德聖人。不過指點路頭。若悟得徹時。則曰道曰德曰仁曰藝。一以貫之。無名天地之始。

據於德。以凝道。愚按。吾人立志精專。其得力處。必有一番情見。為之。影見於胸中。此正依傍之學問也。聖人點出一德字。蓋兼五常之性。以立命。方是此念究竟處耳。舍德以為據。便至喪身失命。

石

石

直心而行

思為便

四書說

卷十

六

山房

附楊慈湖曰學者孰不知志於道求道於外心不內覺道非在
我自非我有德者得道之名道非有物初無實體之可得謂之
得者姑以別夫昏不知者爾易曰直方大不習無不利直而不
思直而不習是謂實得非疑似億度恍惚不實之謂也故曰據

依於仁
脩道以仁依即君子依乎中庸之依○依非有工力之可言只
是斷此起滅想耳心德渾合之謂仁
附楊慈湖曰仁覺也覺非思為故草木之實曰仁政以明無思
無為感而遂通之妙惟常覺而後可以言仁一而非二非仁在
彼而我依之也

游於藝
道形而上藝形而下只是一件○行在水上曰游沉在水底曰
溺

吳曰之曰聖賢工夫憑他做得滿足還須有一段幽閒遠底
意趣方可渾化而不自知游藝云者正使道德仁渾化而已亦
不知也李衷一曰君子終日理會心性志道據德依仁豈是空
空說玄說妙但末依仁以前工夫見藝與道猶是兩件游藝在
依仁之後即仁即藝即藝即仁信手粘來都是道妙所謂仁體
物而無不在是也張侗初曰魚活故游於水心活故游於藝游
藝正依仁妙處

四書說

卷十

六

山房

淨言外
然意令人

附唐荆川曰古人雖以六德六藝分言然德非虛器其切實應用處即謂之藝藝非粗迹其精義致用處即謂之德故古人終日從事於六藝之間非特以實用之不可缺而姑從事云爾蓋即此而鼓舞聚其精神堅忍操鍊其筋骨沉潛緝密其心思以類萬物而通神明故曰洒掃應對精義入神只是一理

子曰自行束脩以上吾未嘗無誨焉此夫子自發其誨人不倦之心只是要人竭誠來學的意思不必泥定束脩上分疏○錢弘人曰聖人特借束脩說來全是鼓舞○後學之私權曰吾未嘗無誨只是要吾人領會此意欣然自得○不徒曰大道為公已也

附湯霍林曰束脩潔已自新也緣平日不肖放蕩禮法之外一且檢束脩為而來則吾誨之人性皆善不以習二之也

子曰不憤不啟不悱不發舉一隅不以三隅反則不復也此言教不可輕正欲學者勉為受教之地也憤悱從心皆有誠意不啟不發不復三平看憤悱是能疑者反三隅是能悟者○憤悱是本專心積誠來不以心口字對不啟不發正欲使之憤悱以受吾啟發非以啟發之無益而反生其惑也三隅只是借言推類孫淮海曰穢不至於憤悱悟不及於三隅聖人終不啟發而復教之非聖人有所秘欲學者之自得也教人之法最忌說盡依我作解障彼悟門

石鏡

蔡虛齋亦
主此說

反在學者
自心上說

中而不
字宜玩

四書說義 卷十

附張南軒曰學貴於思思而後有得憤悱者思慮積久鬱而未暢誠意懇切形於外也然啓之發之亦只是舉一以例其餘若泥象作解終為言詮所縛聖人所以有不復之教正為學者憤悱地也○賀道星曰學貴切近之悟所謂三隅反者反身自悟一悟而三者也在也所可舉者事耳其悟者理也明道曰三隅言其近若夫告往知來則其知己遠其所知者亦何物乎推一知十非知也

○子食於有喪者之側未嘗飽也子於是日哭則不歌

孫淮海曰喪側不飽以食百不甘之心為心也哭則不歌以聞樂不樂之心為心也

揚慈湖曰道在聖人當哀而自哀當樂而自樂不待斟酌審處聖人之心自如如此也故曰成性存存道義之門天下無窮之義皆自性中出也

○用行章旨○此章前後語氣不必相關只兩兩散說為得周季

侯曰大抵聖賢經世之學與心性之學不作兩撥故以此出處則舒卷無心絕不着些毫意見以此任事則鋒穎消除絕不露

一毫意氣子路三軍一問色相熾然故夫子把經世大機局點化之亦正要他體認到裡面去也臨事二語此是千古聖人兢

○子謂顏淵曰用之則行舍之則藏惟我與爾有是夫

兢業業的心腸

石鏡

行藏以身
言而道在

四書

卷十

九

山房

朱子曰此八字極要人玩味若他人用之則無可行舍之則無
 可藏唯孔子與顏淵先有此事業在已分內若用之則見成將
 出來行舍之則藏了他人豈有是哉故下文云惟我與爾有是
 夫有是二字當如此看○沈無回曰兩句合看方見其妙精神
 全在二則字上有進退脫洒無一毫係累之意要知轍環周流
 未嘗不藏○莫中江曰雖說惟我與爾能如此亦見惟我爾可如此
 此意○李衷一曰看來夫子此語雖是與顏子亦是發明已意當是
 時周流四方人都謂夫子急於用而不能藏故借與顏淵上而
 發此論直是謂我何嘗有意於行而不藏亦何嘗必藏而不行
 用便行舍便藏只是不為固者耳識得我此意惟顏子能之
 噫嘻夫子之意婉矣○汪石臣曰顏子簞食飲終日在陋巷
 之中只是藏的勾當從何處討一箇行來夫子獨以用行舍藏
 與他相証正從齋心克己內看出他有這所幾觀變之妙○簞
 之內寔藏有禹稷事業在
 子路曰子行三軍則誰與○子曰暴虎馮河死而無悔者吾不
 與也○必也臨事而懼好謀而成者也
 此二與字乃共事之意無悔其立心自擬如此必也二字直貫
 到者也言我所與行三軍者必是這樣人懼乃謹嚴而持重不
 是畏縮成是謀出萬全之意好謀而成止完得一箇懼字此以

四書

卷十

九

山房

平日言不必扼定行師上說。

○子曰富而可求也。雖執鞭之士，吾亦為之。如不可求，從吾所好。此節設為必窮之路，以開當世之迷。要得說言虛活口氣，實說便非。註中命義理字，俱不必用。姚承菴曰：求富而至於執鞭，亦是夫子究其枉尋直尺之勢，所必至者而言。非謂雖辱之甚，亦可為也。如字非疑詞，乃倒邊的口氣。所好是胸中自得處。從好者以之為主，而吾隨之也。所好上着一吾字，最有味。獨玩本來。○朱子曰：言富而可求，便見富本不可求矣。君子羸得做君子，小人枉了做小人。

○子之所慎：齊、戰、疾。

此即研義之學

輔慶源曰：聖人之心，不待操而常存，豈有不謹之時。不謹之事，哉！特於此三者尤致謹。故弟子記以垂教。曾氏曰：鬼神恍惚，戰疾危殆，斯須不在焉，則失之矣。袁了凡曰：齋者禍福之機，戰者存亡之機，疾者死生之機。聖人不謹其已發，而謹其初分，是故慎之。丘毛伯曰：其慎齋也，非俸福，是不慢神。其慎戰也，非怯敵，是不輕敵。其慎疾也，非貪生，是不輕生。附李九我曰：齋戰疾，是形容孔子戒慎之象。非謂惟此三者加慎也。易曰：齋戒，神明言齋也。詩曰：戰戰兢兢，言戰也。易曰：無妄之疾，語曰：三疾。孟曰：寡人有疾，皆疾也。張元長曰：豈其齋耶？豈其戰耶？豈其疾耶？抑何戰兢兢，惕厲之至也。若不以心而以事，將

四書論

卷一

十

石鏡

四書言終 卷九 十一 山房

聖人亦有不慎之事乎哉。

○子在齊聞韶三月不知肉味曰不圖為樂之至於斯也

徐倣弦曰夫子之心原自有韶在故聞之而即感天機之相迎

也。不知肉味要摹寫他心與樂契而妙於忘的光景不圖句不

是前此未信今始信也乃深幸已得聞之之詞○沈無回曰夫

子贊韶曰不圖為樂之至於斯門人記夫子聞韶曰不知肉味

皆形容不得語蘊子瞻曰孔子之於樂習其音知其數得其志

知其人如文王也見其穆然而深思見其高望而志遠見其默

然而黑頰然而長其於舜可知矣是以三月不知肉味

附袁了凡曰此是仲尼好學處乃是萬世學古的樣○徐岩泉

曰天地間凡形氣相軋而成聲如風行雷轟川鳴谷應草披木

撼禽語蛩啾皆韶也韶在千古如一日斯理初未嘗忘舜得真

樣而作韶以宣洩之耳故舜不在先孔不在後作者非舜聞者

非孔皆天地自然之妙也

○冉有曰夫子為衛君乎子貢曰諾吾將問之○入曰伯夷叔齊

何人也曰古之賢人也曰怨乎曰求仁而得仁又何怨出曰夫

子不為也

衛君以子拒父其為不順孰不知之冉有乃有此疑者以嫡孫

承重之常法言之夷齊一問非是爭遜上較量要曉得子貢發

問精神全在怨乎二字上○朱子曰求仁得仁只是不傷其本

曰書完 卷九 十一 石鏡

石鏡

心而已。伯夷不敢安嫡長之分。以違君父之命。叔齊不敢從父兄之命。以亂嫡庶之義。這便是求仁。伯夷安於逸。叔齊安於讓。而其心舉無捏杙之慮。這便是得仁。

吳曰：曰冉有子貢之疑，決非嫡孫當立之說。既拒親父，何論嫡孫？但當時蒯瞶以殺母得罪於父，晉雖納之，衛人不以為君。而公子郢又不肯受，使轍不立，則衛之社稷不祀矣。社稷為重，或者父子為輕。穎悟如子貢，而未能決以此。夷齊之讓，亦國家存亡所係。幸國人君其仲子，使仲子渡不受而去，則孤竹之統絕矣。怨乎！一問正在於此。方讓國之時，未暇念及國之存亡事久之後，徐思前日之讓，幾成亡國大釁，能無怨悔？不知先人世守之士，雖重然必先論父子兄弟。後論社稷，彼仲子之立不立，孤竹之祀不祀，以視尊父命重天倫，此猶其小者耳。由此觀之，衛轍固不得援存國之義以贖其通天之罪，明矣。故曰：夫子不為也。

丘毛伯曰：天下有父子而後有君臣，有君臣而後有國。是衛人但知國不可無君，故當立輒，乃輒視蒯瞶父子之倫已漸滅盡矣。智如子貢而不能釋為衛君之疑，則君之一字誤之也。向來說衛以父子爭，夷齊以兄弟遜，其事可反觀。不知夷齊之所急原不在兄弟而在父子。夷欲尊父之遺命，而齊亦欲善成其父之治命。如兄弟遜國之事，小則兄弟輕，君仍重，惟全父之志大。

石鏡

四書說義 卷十
故寧可無君。決不可無父。必如是。而可定衛君之罪。可明夫子
不為衛君之心。

子曰。飯疏食飲水。曲肱而枕之。樂亦在其中矣。不義而富且貴

於我如浮雲。首二句乃夫子設言處窮之境。非寔事也。元樂待境而生者亦

逐境而變。聖人之樂不生於境而生於心。故雖疏水曲肱而樂亦在焉。浮雲富貴亦只是此樂。趣耳。我字正對浮字。看朱子曰

樂亦在其中。此樂貧富自不相干。是別自有樂處。如氣壯底人
遇熱不怕。遇寒不怕。氣虛則為所動矣。聖人之心無時不樂。如

元氣流行天地之間。無一處之不到。無一時之或息。豈以貧富
貴賤之異。而有所輕重於其間哉。

陳白沙曰。夫子謂不義而富且貴於我。如浮雲薄不義也。非薄
富貴也。富貴若以義而得。聖人隨其所遇。若固有之。無鄙厭之

心焉。但以不義而得。則不易吾飯。疏飲水之樂耳。張雨若曰。看
來只不義二句便是樂了。若被外邊一動。裡邊多少勞擾。

子曰。加我數年五十。以學易可以無大過矣。此章是發明易道之無窮。而不可不學意。當以易字為主。易者

變易。以從時。人生動靜酬酢時時是易。順天時行便是學易。便
是無過。大字不必泥。加我數年不是年紀。湏以工夫說。翼疏
曰。易者吾心之陰陽動靜也。動靜不失其時。易在我矣。自強不

若作輕富
貴想便退
若情

息所以致其功也

附別楊復所曰乾卦六爻潛見惕躍飛亢吾人當下一時具備

一友曰學易甚難願師指教師曰易既稱龍龍讀易否其友笑

曰未也師亦笑曰原來即此觀之可見聖人之學易原在文畫

象象之外自有印合處大凡形迹之過小心體之過大學易而

無大過全從心上理會夫子他日曰從心所欲不踰矩則深於

易者乎五十字只依舊說

周季侯曰學不探原縱依傍道理終滯格套其於天地變化之

妙吾心無思無為之體終不相合此便是過夫子真正覺得性

體圓融理事無碍此毫意思了不可涉故深有味於易而言之

其在知天耳順之時乎

○子所雅言詩書執禮皆雅言也

按雅字訓常字分明是經常之言對異端曲學看下面詩書執

禮正應一常字全重切於日用意理亘古而不磨言大雅而非

誕此亦足為好異者之傲○或曰三經之原本出人心人心之

理皆載於經夫子以先王之訓示人然歸到心學上來須在人

心上描出詩書禮勿止在經上發揮非有意雅言也經自不離

於夫子之言也記者從旁窺之若以為雅言也

發憤章旨○通章大旨只學而不厭一句道盡然口中却不露

出學字憤樂雖對說樂却從憤來通章當以發憤二字為綱祝

大字者得

石鏡

石鏡

石鏡

石鏡

石林曰出迷入悟。在一憤。小憤。小徹。大憤。大徹。不憤。不徹。惟

孔子而後憤。憤而後為孔子。今人飾一行作一解。便耿耿在胸。

中謬以為如是如是。其何能憤。

葉公問孔子於子路。子路不對。

葉公發問已有高視孔子的意思。子路不對。將益重其疑矣。在

夫子則以接引為心。故自道為人之實以曉之。

子曰女奚不曰。發憤忘食。樂以忘憂。不知老之將至。云爾。

奚不與云爾。相呼應。俱是代子路說。開口說其為人。也四字便

有無以異人的意。心之激昂處為憤。人心之活潑處為樂。樂就

在憤處見之。不必分已得未得。不知老之將至。就在上憤樂字

一奮動處故

內看出。非另推一步。亦不必說憤樂相乘。云爾者無他之詞。李

延平曰。三句只好渾然作一氣象看。見聖人渾是道理。不見有

身世之碍。故不知老之將至。求道之切。恐非所以言聖人。湯

霍林曰。為人為字。重看發憤。便是他為人處。

王龍溪曰。此是夫子終身受用之實學。知夫子之憤。則知夫子

之樂。憤是求通之義。樂者心之本體。人心本是和暢。本與天地

相為流通。纔有些子邪穢渣滓。便有所隔碍。而不能樂。發憤只

是去其隔碍。使邪穢盡。渣滓盡。融不為一毫私意。所攬以復

其和暢之體。非有所加也。憤樂相生。勉焉日有孳孳。不知老之

將至。夫子至誠無息之學。

四書

卷十

十五

石鏡

解別揚慈湖曰孔子惟言憤不言所憤而為之者何事惟言樂
不言所樂者何意憤疑無樂今聖人則樂天下所謂樂者有時
而已今聖人乃以此樂終老此意惟聖人自知之當知夫發憤
忘食非用人力樂以忘憂乃有天樂人心可知道心不可知人
樂有盡天樂無盡可知者有久暫不可知者前無端緒後無終
止生死尚不能入而况於老乎
姚元素曰高峰云但畫平生伎倆憤將去自然有箇悟處愚謂
此正孔子發憤之憤也到悟後只有一樂不知老之將至正形
容樂之不已非憤樂循環之說○沈無回曰云爾說得尋常平
易此等處俱聖人自不知覺發洩出來不知愈平易愈不可及

○晦翁曰觀天地之運晝夜寒暑無頃更停聖人為學亦是從
生至死只是如此更無止法

○子曰我非生而知之者好古敏以求之者也
此章只是勉人以學不是辭生知之名○李九我曰聖人無所
不知人即說是生知不知也從學來學便少不得從聞見入但
聖心無遮蔽獨契於心自然孜孜汲汲雖聖人亦不知其然所
謂學之不厭也蓋當時以聞見為學而又以不學而知為聖人
連生而知之都認差了故聖人自道其實如此○按千古學脈
惟此良知一脉相貫好古者契古人心也兩相印合處全是
觸發自性之靈光若止是向人求乞便天地懸隔○敏以求之

可着思議

四書克

卷十

十一

石鏡

正見其好處無兩層湯霍林曰說者俱云我非生知由敏求乃
有知聖人語意以者也二字然却求之不曾打轉知上
羅近溪曰吾人一點靈光上燭天下燭地上照無始下照無極
此知之外更何有知然此知從賦予之初不思不慮而來人
一生人人一知特人人不學便不能保其不思不慮之常所以
生知便失聖人學便能完不思不慮之體若見以為生知而實
非生知也古人義理或顯於言或隱於無言無非所以喚醒
後人之知好而求而敏直是以古人之心渾為一心所以靈
機頓開性真洞朗而於元初不思不慮之體合焉豈誠生而知
之者哉後世論聖者不以好學尊聖而以生知尊聖亦淺之乎

觀聖矣

子不語怪力亂神
答述曰語主教人說高中玄曰怪惧人之惑也力與亂惧人之
逞也神非人之所能知然不語而已紀之謂何曰正惟聖人能
不語也如伊川每遇怪異必力破其無意非不善然無証之辨
人必不信故知不語之為妙也
附別陸象山曰夫子只是不語非謂無也力與亂分明有神怪
豈獨無人以雙瞳之微所瞞甚遠亦怪矣苟不明道則一身之
間無非怪但玩而不察耳
子曰三人行必有我師焉擇其善者而從之其不善者而改之

子不語怪力亂神

卷之

十一

石鏡

註中一善
一惡要活
者

四書註經 卷十
此夫子示人。能自得師之學。全重擇上。舉三人以槩交接。舉行以槩日用。舉善不善。以槩善惡。變態之極。致知此則無往不可。以得師。朱子曰。人若以自脩為心。則舉天下萬物。凡有感乎前者。無不足以發吾義理之正。莊忠甫曰。人人皆吾師。特患無心師。所謂心師者。擇善與不善者是也。善不善在人。擇之者在。我。

子曰。天生德於予。桓魋其如予何。語曰。聖人無死。脩德是也。夫子直援天以自信。信其在。我者而已。故曰。桓魋其如予何。然則冒為微服而過宋。曰。修身以俟之。所以立命也。所謂信其在。我者。如是已耳。如曰。人事不可不盡。非夫子自信意也。

子曰。二三子以我為隱乎。吾無隱乎爾。吾無行而不與。二三子者是也。曰。我曰。吾曰。丘皆是。聖人現身說法。處精神全在是。丘也。三字。上。吳因之曰。二三子儘力尋個仲尼。只在口角上尋。便當面蹉過。夫子把自家指點與他說。道這纔是。丘喚轉路。徑令他當下便見。按隱字。正相對顯字。看無隱者。無可隱也。即在吾爾兩字內見之。無行。猶云無往。作虛字解。蓋道體觸目而在。正欲學者會其天機。若就作止語。默上體察。箇聖人與言語觀。聖人者何異。焦漪園曰。孔子非無隱也。欲隱而不得也。非以行與也。

四書註經

卷十

十一

石鏡

希照辨逆
全在首句

欲不與而不能也。舉手下足無非道場。一談一吐盡成妙法。此豈可以名理求言思測哉。

附別謝顯道曰：以謂無隱乎爾，則天何言哉？夫子之言性與天道，不可得而聞也。以謂有隱乎爾，則四時行焉，百物生焉，夫子之文章，可得而聞也。詩云：鸞飛戾天，魚躍于淵。此天下之至顯，聖人烏得而隱哉？所謂吾無行而不與二三子者，此上天之載無聲無臭，此天下之至隱，聖人亦烏得而顯哉？宜其二三子以為有隱乎哉者也。

附黃龍寺晦堂老子嘗問山谷：以吾無隱乎爾之義，山谷詮釋舟三晦堂終不然其說。時暑退涼生，秋香滿院，晦堂因問曰：聞

木樨香乎？山谷曰：聞。晦堂曰：吾無隱乎爾，山谷乃頓悟其旨。寶印曰：非獨今世學者不見夫子之心，當時顏子號為具體，盡平生力量，只道得瞻之在前，忽焉在後。如有所立，卓爾竟捉摸未着，而聖人分明八字打開，向諸弟子曰：吾無行而不與二三子，以此觀之，聖未嘗迴避諸弟子，諸弟子自錯過了。

○子以四教文行忠信

湯霍林曰：四教有由，博漸約之意，亦非分作四處教。蓋言夫子以四教一起教人也。忠以心言，信以事言，體用之分耳。愚按聖人立教本末一貫，而人之根器不齊，聖人各因其所性之偏，以施補救，故或教以文，或教以行，或教以忠，或教以信，隨人之

四字方有
着落

白書完

卷一

二十一

石鏡

四書章句
卷十
山房

所自得而曲成之是乃所謂四教也

見聖章旨○此章總重在有恒上蓋見聖人以屬道統○此是夫

子本心○聖人不可得故○從心上尋覓○聖真出來○使人認取

這點本心之真○以為作聖的根本○末節慨人之無恒○正以思有

恒要得聖人屬望○口氣○周季侯曰○聖脉到底不絕○陽明先生所謂滿街皆聖人也○夫子

此論見得人有恒心○便人人具有聖胎○人人可做聖人○却自被

習心埋沒○將聖人種子○撒向深坑○豈不深可痛惜○全是要人惕

然自返之意○夫子發言之旨○全在末節○而斯可矣○正從難乎有

恒句發脉

○子曰聖人吾不得而見之矣○得見君子者斯可矣

聖人不就神明天縱上說○要從實心而造其極者○言方於有恒

處為真切○不得而見○非言聖人之難○正深冀聖人而慨然發此

也○君子以脩言○善人以質言○有恒以基言

○子曰善人吾不得而見之矣○得見有恒者斯可矣

兩吾不得見○俱要就人自己斷喪○說纔是聖人○勉人意○兩斯可

矣○俱是望其由此進於聖人○非與其終於此也○沈無曰○以見

聖之思○歸之有恒者○聖人亦不過恒○到盡處○故一有恒○便是接

下○聖之脉○非由善人由君子而漸至於聖也○徐自漢曰○夫地不貳之精○賦於人而得之為恒○書曰恒性○孟曰

不恒有常意○不訓久

石鏡

四書章句
恒○心○這○是○人○皆○可○以○為○聖○人○的○真○脉○夫○子○以○見○聖○之○思○寄○之○於○此○正○謂○大○人○之○心○在○赤○子○身○上○也○

○亡○而○為○有○虛○而○為○盈○約○而○為○泰○難○乎○有○恒○矣○

為○有○為○盈○為○泰○只○是○虛○描○他○一○箇○粧○點○的○模○樣○為○處○便○是○無○恒○

不○必○說○到○難○繼○上○○倪○伯○昭○曰○舊○謂○知○無○恒○之○失○則○知○有○恒○之○

義○非○是○只○是○傷○世○之○意○勉○齋○謂○明○夫○有○恒○之○不○可○得○見○也○得○之○

王○永○啟○曰○有○聖○人○之○心○有○人○心○之○聖○聖○人○一○其○心○而○成○聖○學○者○

不○二○其○心○而○近○聖○有○恒○者○自○忘○其○與○聖○合○居○心○常○屈○於○君○子○善○

人○之○後○不○知○已○足○幾○聖○人○無○恒○者○自○昧○其○與○聖○離○造○事○常○凌○駕○

善○人○君○子○之○先○不○知○且○難○乎○為○恒○人○

附○徐○自○漢○曰○亡○虛○約○是○人○心○之○本○體○也○能○葆○其○無○斯○可○以○融○天○

下○之○有○能○涵○其○虛○斯○可○以○君○天○下○之○實○能○守○其○約○斯○可○以○居○天○

下○之○泰○若○任○意○作○為○日○添○以○智○故○日○駢○以○技○能○穢○雜○其○中○而○

純○白○以○散○非○復○空○洞○不○著○之○本○體○矣○

若說有意
便落佛氏
法門

○子○釣○而○不○網○弋○不○射○宿○

此○章○妙○理○全○在○聖○心○與○物○相○忘○上○沈○無○回○曰○聖○人○渾○然○仁○體○發○

皆○中○節○與○眾○同○釣○釣○自○不○網○與○眾○同○弋○弋○自○不○宿○謂○聖○人○有○一○

念○不○得○不○傷○戕○心○不○是○謂○聖○人○有○一○念○曲○加○覆○育○心○亦○不○是○自○

然○而○然○方○得○無○意○無○必○的○道○理○

王○弼○洲○曰○釣○而○不○網○庶○無○咎○乎○弋○不○射○宿○靜○無○咎○乎○豈○惟○得○聖○

是說作字
作之而不
作之更
詩之
我字還屬
心說未到
看上一

人之仁亦所以教物也蓋云貪則取之動則取之以戒世之貪
得與妄動者也
子曰蓋有不知而作之者哉無是也多聞擇其善者而從之多

見而識之知之次也
此章是夫子借已立說以引起當求知之意多聞而下是示人
以求知之方不在夫子身上說不知而作只要發出知不可已
意不重我無上多聞二句重擇識上從聞見收向心裏來正見
聞見即德性非屬口耳之學擇識是吾知體此知光明不必更
有求知處曰次者言除却生知就是這箇知舍聞見無良知也
正是指點人求知方法○張南軒曰聖人之動無非實理其有

不知而作者乎然知非易至故又言知之次使學者有所持循
擇焉識焉而不已則其知將日新矣○徐玄扈曰聖人教人擇
識多從外面聞見上逐件收入向內到那融會貫通處道理打
成一片這纔是知若只會聚許多聞見在此便屬口耳之學○
所謂次者對生知言亦論其從入非論其究竟
附周季侯曰聞見上無知却能觸發吾知若不從聞見上做
辨夫有何着落惟實實參驗將此一點靈明充拓開衍隨擇隨
功夫有隨識隨徹我之知纔不墮落懸空纔有寔記不知而作正犯
通隨識隨徹我之知纔不墮落懸空纔有寔記不知而作正犯
了自謂上知的病夫子特特為他下這一劑次對生知而言入
門雖殊總之是一家人可追隨而上故曰次不是落第二乘話

陽明龍溪
高味明眼

白書卷之七

卷之七

十三

石鏡

頭。附王陽明曰。良知不由見聞而有。而見聞莫非良知之用。故良

知不滯於見聞。而亦不離乎見聞。識得學問大頭腦。則凡日用

之間。見聞酬酢。雖千頭萬緒。莫非良知之發用。流行既云。擇又

云。識其良知。亦未嘗不行於其間。但其立意。乃專在多聞。多見

上去。擇識則其知未免從依傍而入。便已落在第二義中。故曰

知之次也。此言正所以明德性之良知。不由於聞見耳。生而知

之者。上也。學而知之者。次也。是此章疏。外於吾教者。猶且委曲開蕙。况夫慕道而來。即此向進一念。已

繫已章百。按聖人接引後學。其心惟恐人之入於不善。即自

開自新一路。若濶吟其宮牆。令人望而自阻。反堅其不肯之念。

矣。聖人止據見在與他。無非成就後學意也。若止說待物之洪

猶是邊見。互鄉難與言。童子見門人惑。難與言。是自道自是。習以成俗者。即見他無益。所以門人疑惑。

○童子正天真未鑿。故習不碍性。子曰與其進也。不與其退也。唯何甚。人潔已以進。與其潔也。不

保其往也。本文原無錯簡。人潔已下。正申說上與進意。據他進見。即是向

善念頭。便謂之潔。此正聖人善於引接人處。○愚按吾人本來

一潔字不必

著得太深

曰書說克

石鏡

石鏡

石鏡

石鏡

石鏡

石鏡

石鏡

石鏡

石鏡

石鏡

面目原無一毫夾帶故習染雖汚當體可以立洗聖人與潔之
念不惟許其自新并可破吾人等待之見
附依註人潔句作頭中四句平對惟何甚句作尾甚無追既往
逆將來二意

○子曰仁遠乎哉我欲仁斯仁至矣
仁遠乎哉乃喝起之辭下正實言其不遠在我字體認我者仁
所凝聚之我仁者我所主宰之仁我欲仁是將我本來靈机自
為提醒處就是仁故曰仁至欲字勿看太深只是一念覺悟耳
此蓋為已放其心者發
袁了凡曰仁本在心所以放而失之者誰所以反而求之者誰
乃我也故自我而欲仁即在目前念迷即非仁後念覺即仁
只在一念轉移之間欲即是此仁之覺覺即以此心之仁先儒
有以覺名仁者正於此處見得○問至若來至之意朱子曰昔
者亡之今忽在此如自外而至爾如易言來復實非自外而來
也○張南軒曰不曰至仁而曰斯仁至矣蓋仁非有方所而可
往至之也欲仁而仁至我固有之也○管登之曰仁者只是無
我從仁起欲便不為軀殼着念將身實在天地萬物之中了無
間隔便是仁體此是孔門頓教
附顧注陽曰波與水無二相欲與仁無二體夫子先拈出箇欲
字是就工夫上點出本體要人知現在便有下手處斯字極緊

管說更精

石鏡

一念之動。既。可。證。仁。則。念。念。之。動。俱。可。證。仁。人。斷。無。無。念。之。時。

何。不。一。自。醒。也。須。得。提。醒。語。意。

知。禮。章。旨。○此。章。當。提。禮。字。為。綱。全。君。正。所。以。全。禮。徐。自。漢。曰。

昭。公。娶。吳。一。事。是。失。禮。到。極。處。然。昭。公。未。嘗。不。知。也。何。也。駕。子。

以。諱。姬。係。吳。以。為。宋。此。是。公。一。點。是。非。之。本。心。未。嘗。敢。自。沒。沒。

處。則。是。此。心。之。天。理。猶。存。也。娶。吳。之。事。或。者。亦。齊。景。公。涕。泣。女。

吳。之。勢。也。乎。則。其。情。尤。可。原。也。據。其。情。勢。有。可。原。而。諒。其。本。心。

尤。未。常。泯。則。孔。子。為。得。不。以。知。禮。稱。之。故。孔。子。始。終。不。敢。明。以。

公。為。不。知。禮。且。直。任。為。已。過。身。君。子。不。黨。之。心。予。於。夫。子。始。終。

之。言。益。知。之。

○陳。司。敗。問。昭。公。知。禮。乎。孔。子。曰。知。禮。

司。敗。是。埋。娶。吳。一。事。而。問。夫。子。只。據。大。槩。而。答。都。是。圓。圖。語。與。

諱。君。夫。意。不。相。干。

○孔。子。退。揖。巫。馬。期。而。進。之。曰。吾。聞。君。子。不。黨。君。子。亦。黨。乎。君。娶。

於。吳。為。同。姓。謂。之。吳。孟。子。君。而。知。禮。孰。不。知。禮。

李。衷。一。曰。君。子。亦。黨。謂。別。人。無。足。怪。乃。君。子。如。夫。子。而。亦。如。此。

黨。乎。蓋。深。訝。之。也。其。言。雖。若。不。滿。實。有。推。尊。意。在。且。亦。疑。而。未。

達。不。專。是。譏。辭。○子。宋。姓。也。又。係。吳。以。別。之。冠。吳。於。孟。之。上。則。

別。之。以。國。名。見。其。為。吳。而。不。為。宋。綴。子。於。孟。之。下。則。假。之。以。宋。

姓。見。其。為。子。而。不。為。姬。不。知。吳。亦。姬。姓。而。孟。又。非。宋。女。終。自。難。

謂之二字
指昭公說
若按吳氏
說當時談
話之語

掩。

○巫馬期以告子曰丘也幸苟有過人必知之
 苟有過三字是聖人冷語不沾定在黨君上說有過必知正是
 可幸處張魯叟曰同姓不婚周道也昭公明知故犯只是不能
 守禮原說他不知禮不得夫子不以知禮之答為無過而又不
 指其過之何如則既不誣天下人之公論又不失在已用意之
 忠厚真化工之言也

註中取與
 二字不必

○子與人歌而善必使反之而後和之
 此聖人樂善無窮之一端特借歌以見之反之者盡其善也亦
 所以不亂其善也和之者取其善也亦所以深贊其善也只此

一反一和有許多委曲在○許敬菴曰夫歌者直言而陳德天
 地應焉四時和焉星辰理焉萬物育焉上如抗下如隊曲如折
 止如槁木倨中矩向中鈞纍纍乎端如貫珠歌之義大矣古之
 君子琴瑟在御歌咏恒有之善者發於性情中乎音節也
 附王龍溪曰古人養心之具無所不備然琴瑟簡編舞蹈皆從
 外入唯歌咏是元氣元神欣合和暢自內而出乃養心第一義
 舜命夔典樂教胄子只是詩言志歌言永四德中和皆於歌聲
 體究陽明先師嘗云學者悟得此意直歌到老舜義皇只此便
 是學脉

○子曰文莫吾猶人也躬行君子則吾未之有得

石鏡

此章總是勉人尚行意。文不專是言易曰君子以懿文德。即所謂夫子之文章是也。躬行有間。然實脩之意。躬行纔成。箇君子是渾成話。莫字作或者二字看。徐徹弦曰。文非不足貴。但君子之所以為君子者。則在躬行。而文非所先。爾躬行即是文之根。於心處。不曰不得。而曰未之有得。必欲見之躬行而後已。

子曰若聖與仁則吾豈敢抑為之不厭。誨人不倦。則可謂云爾已矣。公西華曰。正唯弟子不能學也。

周季侯曰。夫子正要以仁聖引人。如何自家反着推干。正為世人看。得仁聖太高。似終不可學者。故接引之曰。若聖與仁。吾豈敢謂更到却此不厭不倦。我我自盡是人不必生而聖仁而聖。

與仁未嘗不可為也。蓋把一段孳孳不已精神。點與人看。正欲人體此為入仁入聖之門。若字與抑字相通。絕非推調口氣。李

東一曰。均一學不厭。誨不倦。夫子以為學者事。縱為與誨上說。公西華不能學。意謂此乃仁聖者從不厭不倦上說。

王觀濤曰。弟子泛說。正贊夫子不易學。不重弟子不能學上。心之精神是謂聖。心之德是謂仁。

衰了。凡曰聖人。盡已盡人。原不屬兩念。當其為之處。便有成。不獨成的念頭。及出以誨人。正其一體中。自不能已。處若分而為

二。則人已便相間。隔容不免有厭倦心矣。故不厭倦真是無人無我。徹始徹終的境界。

得。一處者不更。從為誨合。

不厭不倦更。

從為誨合。

一處者不更。

得。

不厭不倦更。

從為誨合。

一處者不更。

得。

不厭不倦更。

從為誨合。

一處者不更。

得。

存禱之說亦可以警世此聖人教以禱道設

鄭申甫曰不厭不倦乃天機不能自已處非忍為之所能及以其一團生機自運如天輪然終日運旋無有停息若着人力推撥縱勤終有間歇時今人把不厭不倦做題目在手裏做安能真不厭不倦也

子疾病子路請禱子曰有諸子路對曰有之誅曰禱爾於上下神祇子曰丘之禱久矣

沈無回曰夫子不言無禱之事而曰有諸令其思禱之理也曰立之禱久矣是自按之辭所謂脩身以俟之所以立命也中玄疑其自負以抗神明過也

與聞子禱則是不安其死而諂於鬼神以苟須臾之生君子豈為是哉徐鴻洲曰夫福善禍淫理之所有禳灾祈祐理之所無聖人不無所有使知照鑒不虛不有所無使知淫祀無益

子曰奢則不孫儉則固與其不孫也寧固此章不是平較箇奢儉的利害全是即儉形奢極言奢之為害以維持世道意蓋說出一箇不孫便是最緊策人心處春秋防微杜漸以此○奢儉不主禮說本文無禮字亦不在心上說只主世風言固則無大采不孫則無名分天下之不可無名分尤甚於不可無文采故與其不孫也寧固全是隄防人心之狂瀾有懲驕抑僭之感

曰書說克 卷一 石鏡

謹理欲二
字是推原
不必添入

四書言

卷十

十一

山房

子曰君子坦蕩蕩小人長戚戚

此章是摹寫兩人心境而境遇自在其中蕩蕩全從坦來要於

平字中見出寬廣意戚戚之上加一長字便見一生營營處

徐徹弦曰君子檢束中受用活潑小人放浪中自沉苦海○翁

子先曰君子之心無一物罣碍逆境亦自洒落小人之心中多私

欲牽拘○順境亦常拂鬱○羅近溪曰形骸雖顯而其體凝滯本

心雖隱而其神圓通○小人長戚戚者務活其形君子坦蕩蕩者

務活其心○孫淮海曰去了長戚戚之心便是坦然之境

子温而厲威而不猛恭而安

此章與温良恭儉讓一例看只是一箇夫子極力模擬只是形

容不盡屬與不猛與安所以見温威恭之妙自然中節無相濟

意王字恭曰温之恰好處便是厲威之恰好處便是不猛恭之

恰好處便是安

莊忠甫曰天地○劑○陰○陽○之○和○而○成○聖○聖○人○劑○仁○聖○之○中○而○成○德

劑則無不有也○故天不可名堯不可名孔子不可名昔壺丘先

生之杜德機也○如怪如濕灰其為善者机也忽為天壤忽為地

文此季成所以望之而走也○今温厲之說弟子豈嘗見其善者

机乎

四書說統十卷終

下

下

石

德。附太王之欲立賢子聖孫為其道足以濟天下非有愛憎利欲之私也。是以太伯去之不為獨王季受之不為貪不赴毀傷不為不孝。蓋處君臣父子之變而不失乎中庸所以為至德也。

諸解附

歸震川曰太王誠不勝區區之愛欲傳季歷然太王賢者終勝其私心以與義也。泰伯逆探其微意而先去之托於採藥毀刑自絕使太王不得已而傳季季不得已而有國終不暴其讓國之跡以彰親之過能曲全父子兄弟之情所以為至德。程伊川曰泰伯三以天下讓者立文王則道被天下故泰伯以天下

振此解則
固與天下
乃通稱然
天下二字
畢竟無着

之故讓之也不必草命

按泰伯之說論者紛紛皆誤於竇始剪商之一言不知考太王遷岐在小乙之二十六祀繼值武丁中興五十九年歷祖唐祖甲之二十八祀而文王生又歷廩辛庚丁武乙大丁帝乙以至紂而商始亡太伯雖智亦安能逆知二百六年以後之事而輒以未必然之事為讓哉太王之欲傳季歷不過以子賢孫聖望其國祚之綿洪耳太伯承父志於幾先挈弟以行毀形自廢使欲傳者無舍長立少之嫌愛之者忘以弟先兄之跡彼自在父子兄弟間獨苦其心者與高家無與也若曰明却侯封陰辭大業則已自處於忠孝而陷父與弟於不義何以稱至德或曰夫

子何云以天下讓曰此後人觀已成之勢而追論之假使太伯不行則不以身王猶當追王是太伯當日之國固今日之天下也譚讓國即讓天下可也非真以天下讓也

子曰恭而無禮則勞慎而無禮則蕙勇而無禮則亂直而無禮

則絞

天過處即
是無禮

節文就是禮不可云無禮以節文之勞蕙等正是無禮處非下一層王守恭曰恭也慎也勇也直也皆生心之天不能也當恭而恭當慎而慎當勇而勇當直而直呼吾心之天則也吾心之天則總而名之曰禮

君子為於親則民興於仁故舊不遺則民不偷

君子就為人上者說篤於親如祿位與共好惡與同皆是不遺故舊如有功必錄有罪必有咎是陳定宇曰親親仁也上仁

則下興仁不遺故舊厚也上厚則下歸厚上行下效也

楊復所曰上章言無禮不可行而禮必有所自始始於厚也故

曰敦厚以崇禮忠信之人可以學禮能自處以厚則禮自行乎

其間莊忠甫曰昔夫子嘗對冉有曰君子之行也度於禮施取

其厚事舉其中正此章之意

○曾子有疾召門弟子曰啟予足啟予手詩云戰戰兢兢如臨深

淵如履薄冰而今而後吾知免夫小子

朱子曰曾子奉持遺體無時不戒謹恐懼直至啟手足之時方

石鏡

得自免非止是尋常奉事而已此所謂孝。頌涇陽曰戰兢
 兢乃吾性體流行沒此子放鬆處如臨如履猶所謂如見大賓
 如承大祭而語加嚴切耳非有所愛患恐懼之謂也。手足不
 是借言踐形盡性正於此驗之吾知免夫此是難免的意思非
 倖免的意思。

諸解附

李見羅曰曾子聞學之蚤合下便以修身為本故到終來浩然
 自慊與孔子曳杖逍遙彷彿一般氣象古云生死呀頭不是臨
 時處置。

薛畏齋曰父母生你出來便要你盡這箇道理臨死將這身體
 還他方謂之無愧曾子平日戰戰兢兢只為這箇念頭臨死終
 了當不但為手足之無傷也人若有曾子之心便是龍逢比干
 之身首分裂與啟手啟足只一般不然老死腐下亦與刀鋸俸
 辱無異。

附李漸菴曰未悟無生則死生在前不能無怖心怖於中斯手
 足無所措於外曾子一唯之後生死之理了然矣故啟手啟足
 暇豫從容無異平日豈以但化為心哉其曰戰兢如臨深
 淵如履薄冰而今而後吾知免夫者無怖心也無怖心者無死
 生也。

附真西山曰曾子之啟手足蓋以為知免矣而易簣一節猶在
 石鏡

其後使其終於大夫之養猶為未正也全婦之難如此學者其可不戰兢以自省歟

○曾子有疾孟敬子問之○曾子言曰鳥之將死其鳴也哀人之

將死其言也善○君子所貴乎道者三動容貌斯遠暴慢矣正

顏色斯近信矣出辭氣斯遠鄙倍矣籩豆之事則有司存

孟敬子想是箇留心細務的人故曾子以君子所貴者語之事

字正對道字看有司字正對君子字看籩豆二語是形容活話

勿泥吳因之曰曾子是篤實的人如何只向容貌詞氣顏色上

理會三箇斯字是他精神結聚處本領正在這裡斯字猶即字

全是在平時心上做得箇把柄在故能如此須知遠暴慢等不是

道正謂有得乎道則容貌等項都到恰好處○哀了凡曰動者

自寂而之感出者自內而之外正是整頓的意思俱就臨民時

言總是以敬○舉一籩豆凡瑣務皆在其中

附高中玄曰斯字有力言總動容貌就要遠暴慢○正顏色就

要近信○纔出辭氣就要遠鄙倍○蓋修身之事不可放一些空隙

也○楊敬仲曰或遠或近固有精神之妙出乎其間○金仁山曰

動正出之間即存養地頭○暴慢信鄙倍即省察之條件○遠近二

字即所貴乎道之工夫○哀了凡曰籩豆分明說事則非道可

知○朱子曰只看那所貴二字莫非道也如籩豆之事亦是道○但

非所貴○君子所貴只在此三者看來三者只是非禮勿視四句

信字作乘
庚解不作
背理解以
氣字合

暴悞朱子曰暴剛者之過悞柔者之過
辭氣衰了凡曰辭由氣出故曰辭氣○瞿昆湖曰辭氣二字並
重前輩有氣是綱辭是目之說同是一句說話或出之以和平
或出之以幸戾故辭之有氣猶顏之有色都要重看
近信徐做弦日記曰臨喪則有哀色介胃則有不可犯之色故
君子戒慎不失色於人夫不失色於人所謂心顏色也然所謂
哀與不可犯之實必有所在非徒曰有是色而已也此近信之
說也

○子曰以能問於不能以多問於寡有若無實若虛犯而不校昔
者吾友嘗芝事於斯矣

通章以克
已為主

通章寫出顏子太虛之心體上半截有嘆羨追思意與泛論不
同合五句看方見渾融虛靜之妙總是形容之詞不可過為分
析周季侯曰曾子把自家比照到顏子心境上去覺得其造詣
之妙故追而思之不是鋪叙他學問語意全重在若無若虛上
但虛無光景無可模寫須索透他好問說來方可想像這段意
思此曾子最善形容處也若無二句承上二句點破他心事不
作推原說犯而不校正好想像得他虛無光景出但語氣不可
粘帶耳○從事是不着力語能以學之所造言多寡以學
之所得言
聶雙江曰能不能有無多寡之類蓋自曾子之言有如此顏子

則一無所見。渾是虛體。薛畏齋曰：人若血氣未定，則有能有不能。有多有寡。有虛有實。有人有我。若天理中皆無之，顏子克己功至，胸中更無一物為碍，都是天理用事。故曰：幾於無我。林冲字曰：渾是箇若無若虛之心也。視己之為能與多，皆無矣。皆虛矣。焉得不問視人之犯，亦化於虛矣。無矣。焉得有校。若字按虛無原是本体，以其非有非無，非虛非實，故借若字以顯其妙。薛畏齋曰：萬物皆是無，而有無其根也。能無者謂之歸根無聲無臭，歸根之學也。若之一言，猶隔影響。顏子所以未至於聖人。

夫節如云
大關節非
節義之節

一分勝心有十分工夫，便有十分勝心。既有勝心，則有我相。我相勝心作大障礙。如何得到心空境界，須要重添決裂把自心身心挫在萬物之下，常居人後，自念千萬不如人。然後可以遣却矜勝之心。心同大虛，則無我也。無我則與道相應矣。附楊慈湖曰：以能問於不能，數語畫出孔門氣象。渾渾融融一片和氣。虞廷都俞師濟之風也。吾友云者，孔門諸賢大略如此。曾子曰：可以託六尺之孤，可以寄百里之命，臨大節而不可奪也。君子人與君子人也。首三句一直說下，以託孤為主，而寄命正託孤中。事必大節，不奪正是可託可寄處。看來上兩句可以正歸結在下面，不可上君

石鏡

石鏡

石鏡

子二句只反覆以致嘆美之意非抑揚口氣

按百里之命或以為民命或以為先君遺命皆非也蓋只指威

命而言如云陪臣執國命是也夫節以事變言不指君子身上

說

素了凡曰輔長君不難託孤為難執國政不難攝政為難托孤

寄命不難臨大節而不負其寄托之重為難此非才節所能辨

也惟有德者能之故斷其為君子似不重才節上○朱子曰須

是才節兼全方可謂君子若徒有其節雖死何益如受人寄托

自家雖無欺之心却被別人欺了也雖能死也濟得甚事

弘毅章句○此章曾子責成士以體仁意只重仁以為己任一

句本文雖把弘毅說起然弘毅就是仁非以弘毅去求仁也

首節且含蓄次節方詳明之切勿騎驢覓驢

王陽明曰仁人心也心體本是弘毅不弘不毅者私欲蔽之耳

弘非有所廣而大之也毅非有所作而強之也此曾子窮理之

本真見仁體而後有是言學者徒知不可不弘毅而不知窮理

之本惟擴而大之以為弘作而強之以為毅是亦出於一時意

氣之私而去仁道尚遠也此實公私義利之辨

○曾子曰士不可以不弘毅任重而道遠

不可不三字是期望之詞若曰心本弘而無外不可以私隘之

心本毅而無間不所以私屈之便應有勝私克己工夫亦只在

曰書

弘不在度

不在氣力

不在說貌

任重道遠處見。非謂先養得弘毅。後乃去任重道遠。道遠是任。
 重往與處看。而字自明。天者固多成於養者。亦大士不可以不弘。
 毅者貴養也。袁了凡曰。任重道遠。各少弘毅。不得若曰。士必弘。
 毅乃可以任重。而道遠。註分貼便破碎。程自遠曰。弘毅之弘。
 非真弘。不弘之毅。非真毅。惟任之遠。故重。惟道之重。故遠。
 附王守泰曰。此心無限量。無始終。只為有我。便短小。凡民擾
 擾。皆為我役。也謂之曰士。則與凡民異矣。若不能開拓心胸。堅
 忍志操。此小能解。若滿了此小室。礙便歇。閑了依舊與凡民
 一。彼如何謂之曰士。不可以不弘毅。

此等處俱
望羅之辨

按前解不可不只在自家心上說。其理精矣。此說提出士字作
 話頭。亦是曾子責成意。但不可下轉語。如云凡民則可。士則不
 可。便說殺。

○仁以為己任。不亦重乎。死而後已。不亦遠乎。
 此節正申明不可不弘毅意。然亦只據現成說。不是做工夫。工
 夫却在弘毅二字上。徐倣弦曰。任仁與當仁不同。當仁是總有
 志要幹此事者。任仁是身體而力行之。譬如有一箇千斤擔子。須
 擔子上了肩。纔喚做是任重。蓋惟任之而後見其為重也。身既
 任仁。不至於死不已。可見工夫更無可歇手處。故曰士不可以
 不弘毅。

曰書元克

卷十一

石鏡

解附徐自漢曰重字在已字見蓋人可以不任便不見得甚重為已任云者此在已之獨備獨証人所不及致力之地所以見其任之重也祝石林曰以仁為已任與仁以為已任必有分矣識仁者當自別之

興詩章百○按夫子沒詩禮樂上拈出人心學要人把此心放在這三件上還要見得詩禮樂之重今人動曰人心有真詩有真禮有真樂是聖人作經之精意非後人窮經之實學○程子曰興於詩便湏見有着力處立於禮便湏見有得力處成於樂便湏見無所用力處○湯海若曰學詩者常於如卧如寐之中忽有警馬勃馬之思學禮者常於多震多撼之衝潛有毅然確然之操學樂者常於若碍若漸之介徐遊渾兮穆兮之天

○子曰興於詩

興於詩與詩可以興有辨袁了凡曰詩有咏此而意在彼者有所陳小而所指大者其喜之若懟其怨之若慕惟其意不盡於言故學詩者常超然感發其志於語言文字之外如寐之忽醒是之謂興於詩

○立於禮

禮只是箇敬立者堅凝之意○成於樂只是箇和成者渾融之意○儀文非禮立處乃禮聲容非樂

白書元覽

卷十一

九

石鏡

成○處○乃○樂○興○立○成○俱○就○見○成○說○夫○一○時○俱○到○
附○王○陽○明○曰○感○發○興○起○處○是○詩○執○守○處○是○禮○和○順○於○道○德○而○理
於○美○是○樂○只○是○一○統○事○

唐○荆○川○曰○安○得○以○寓○於○篇○者○之○為○經○而○隨○吾○心○森○然○形○者○之○不
為○經○耶○故○即○心○而○經○是○已○安○得○以○無○所○待○者○之○為○吾○心○而○有○所
待○而○融○然○以○興○與○有○所○待○而○肅○然○以○歛○之○者○不○為○吾○心○耶○故○即
經○而○心○是○已○

子○曰○民○可○使○由○之○不○可○使○知○之○
張○侗○初○曰○民○可○使○由○之○相○安○於○粗○也○不○可○使○知○之○相○忘○於○精○也○
相○安○於○粗○則○人○之○者○悠○易○足○相○忘○於○精○則○人○之○生○意○無○窮○可○

使○不○可○使○亦○自○民○言○之○耳○不○必○主○在○上○者○說○
按○知○與○由○只○是○一○件○但○知○必○待○其○自○學○非○可○使○耳○朱○子○曰○由○之
而○不○知○不○害○其○為○循○理○及○其○自○覺○此○理○而○知○之○則○沛○然○矣○必○使
知○之○則○人○求○知○之○心○勝○而○由○之○不○安○甚○者○遂○不○復○由○而○惟○知○之
為○務○其○害○豈○可○勝○言○由○之○而○自○知○則○隨○其○淺○深○自○有○安○處○
徐○岩○泉○曰○不○可○使○只○是○不○能○使○良○知○各○在○人○心○須○自○致○力○聖○人
無○下○手○處○聖○人○只○說○得○學○校○庠○序○司○徒○之○官○而○已○此○是○勉○人○自
力○徐○鴻○洲○曰○異○端○之○惑○人○正○是○乘○其○所○不○知○
附○一○說○作○反○語○曰○民○可○使○由○之○矣○獨○不○可○使○知○之○乎○盖○知○即○知
其○所○由○一○提○醒○之○便○是○也○

謀論本於
車幹

莊忠自曰聖人之治民也其政有權有實實者聖人之本教也
 權者聖人之術教也術教者借之輔行其本教者也如教民忠
 君敬親者實也。因忠君而至不得蓄路馬。因敬親而至式齋中。
 使人若曰牛馬且不可犯况其真乎。此權教也。權者立之以偽
 而行之以誠使民以為固然而由之可也。若明言其權以示人
 則人以為偽而不肯由矣。故老子曰民難治以其知多。又曰國
 之利器不可以示人。知此則知可使由不可使知之說矣。

○子曰好勇疾貧亂也。人而不仁疾之已甚亂也。
 按天下之亂未有無所激而成者。兩亂字。生於兩疾字。疾則不
 之各得其所則稱善矣。○然則何以處好勇者。曰試其豪舉於
 職事塞其貪心於利祿。然則何以處不仁者。曰示之以不測之
 威寬之以自新之路。

必雙挽
勇記下不
或與帶好

此論之為
優容者之
戒

附饒雙峰曰不仁之人力能誅則誅之不能誅而疾之至於無
 所容身則致亂必矣。大學之併諸四夷是力誅之如舜之誅四
 凶是也。亂何自而致乎。


○子曰如有周公之才之美使驕且吝其餘不足觀也已。
 此章戒恃才意只重驕吝不重才美。曰如有曰使皆假設之詞。
 沈無曰器不足以居才雖才美如周公且不足觀况未必周
 公乎。甚言驕吝之不可也。其餘不足觀者言渾身都是驕吝耳。

石鏡

亦何足以觀之哉。蓋鄙之也。亦惜之也。○驕氣盈，吝氣歉。若據程註謂其病相因，袁了凡則曰：驕者以所有示人，未必至吝。吝者畏人見己，有或收歛不驕。今驕而且吝，兩者兼蹈之。至異程註。然得且字之義曰：其餘者種種伎倆，原是德性中緒餘。故善用之則為才，不善用之則為利技。
附或曰：一犯驕吝，其大本已亡。縱其餘做得驚天動地，亦不足觀。或曰：韓子曰：天生聖賢，非使之自餘而已。將欲以補其不足也。若驕吝則是自有餘也。雖餘曷貴哉。○收拾聰明還造化，總無才美亦周公。張子韶集

子曰：三年學不至於穀，不易得也。

此示人以純心之學。三年亦大約言其積久。然亦是活詞。至字不必另解。只言念頭未嘗到穀上也。須發他一段清淨的心體。堅凝的志向恬靜的精神。袁了凡曰：近名之念，即從務實處。默潛滋，或心下見得不真，則自認以為學境。而渾身已是欲境。謂之至者，不但身履其地，即或念頭默默在此經過，亦是至也。湯霍林曰：不易得，乃極贊其心之純，不是嘆世無其人，則知好學亦不是枯槁忘世。只是不以利祿動心，即濟世亦是人學。亦是不至穀。
篤信章句。○此章只重好學善道。而善道又根於好學。來惟好學。故善道不入不居。則見則隱全在出處去就上顯出箇學字。



一件大意言人之為學須先辦一片深厚牢固真誠的念頭身
舉其所守者歸之於道。正。漢。平。日。學。力。處。顯。出。亦。不。到。要。時。
方尋箇善道。須知守死只是形容所守之堅不必坐定死。

○

危邦不入亂邦不居天下有道則見無道則隱
此節分明承上守死句來正是君子用世之實學徐倣弦曰危
以國勢言亂以政事言見危不入知亂不居非徒以遠害也去
就不審以及於難則亦徒死而已君子貴於守死而亦不徒死
徒死而不足以善道亦豈篤信守道者之所為哉隱見以身言
然身出則道行身藏則道斂其實舍箇道字在內

王守恭曰不入不居則隱則見是無死地矣何以曰守死善道

者能之蓋亦謂有此等人便能辨此等事也若不是守死善道
的人貧賤便能移富貴便能淫何以能不入不居則見則隱哉
蔡氏却說得支離

○

邦有道貧且賤焉耻也邦無道富且貴焉耻也
此節只是申明上節意不可以學守分屬徐倣弦曰有道而貧
賤無可行之道也即不為能守之節也無道而富貴無能守之
節也亦無可行之道也若邦無道而能汲汲濟世何可以徒富
貴日之

○

子曰不在其位不謀其政
此章為當時專政者而發只主自下而上者說范氏又自上而

曰書說

卷十一

十五

石鏡

下乃是推說若又從而旁推之則左不可侵右不可侵左雖同僚亦有分守聖言無所不包

徐徹弦曰居位而不恭厥職是謂鯨官不在其位而謀其政是謂越分曠官則非吏越分則非民李袁一曰謀有干預之意

與空空議論者不同

愚按國家設官以分職各不相兼不徒明分守而已正欲專其責於當事者使無所借以自諉耳世惟有越職自逞者反生當事者觀望之念惟謀不出於位之外則人人各專其責各治其事國家既免侵官之害亦無曠官之弊矣

子曰師摯之始關雎之亂洋洋乎盈耳哉

此章之意不是美關雎全為師摯遺齊而發始字重看追憶其盛所以傷今○關雎在詩為首章在樂為卒章謂歌大武之章而亂以關雎也即此關雎之亂而猶洋洋可聽則其初之盛可知

凡樂篇章既成必撮其大要以為亂亂以關雎者何武王作大武之樂而推原王業之根本於文王故以關雎為亂正所謂撮其大要以收之也或曰三百篇皆有卒章卒章皆謂之亂其曰關雎舉首章以例其餘也○韋昭曰詩者歌也所以節舞曲終乃更變章亂節故謂之亂

子曰狂而不直侗而不愚慳慳而不信吾不知之矣

狂。侗。慳。慳。質之偏也。不直不怠不信。習之咎也。不知猶云不可。解謂其本真盡喪也。絕之也。憐之也。醒之也。○莊忠甫曰吾不知之者。不知所以名之也。狂與不直相反。侗與不怠相反。慳與不信相反。相反而又相兼。不知是那樣人。故曰不知即聖人亦不能目也。○聖人貴真。

子曰學如不及猶恐失之。二句總是狀為學之心。不必作兩層看。如不及是野上前猶恐失是怕落後精神全在如恐二字。○失非得失之失猶相失在後。野他不上也。李卓吾曰要人如此。○愚按學無程途可限若見為已及便是住足地位猶恐二字。正播寫如字之神。

子曰巍巍乎舜禹之有天下也而不與焉。按有天下不與註解不以位為樂固非時說。增出憂勤亦非大凡以已治天下謂之與。二聖以天下治天下何與之有。只如若天齊政封山濬川舉十六族去四凶皆曰天下之自然而已。不尸者也。可云與乎。巍巍所以表其心體也。一塵不染。迥然物外。不與故無為而治不與故行所無事。○尤西川曰不但戀天下是與。即解使去已亦是與。憂勤安保守他固是與。即憂勤恐負天下亦是與。蓋皆不免為天下所動耳。舜禹之心真可謂空洞無一物矣。

附舊蘇子由曰匹夫而有天下正以君子處之恐未免入其心。石鏡

而舜視有天下與飯糗茹草時無以異禹視有天下與冠掛履
既時無以異故曰有天下而不與焉舜自舜禹自禹天下自天
下果何與於哉哉

得此轉解
其義方盡

附別王敬美曰說者極力形容二聖憂勤則當云兢兢乎舜禹
之有天下也而不樂焉非所以頌巍巍也王摩詰詩曰曾是巢
許淡始知堯舜深蒼生詎有物黃屋如喬林此即儒者所云一
點浮雲過太虛意必如此乃可言不與
大哉章句○此通贊堯之為君本文原無德字業字王麟洲曰
大哉堯之為君也○以一句起而其下每句形容其大曰則天巍
巍曰巍巍曰巍巍曰巍巍曰巍巍曰巍巍曰巍巍曰巍巍曰巍巍

二義而朱子將上下斷抑揚分說若以文章成功為不足道者
不知文章成功正是為君裏面事

○子曰大哉堯之為君也惟天為大惟堯則之蕩蕩乎民無能名

焉首句下箇為字極有意分明謂堯首闢洪荒有為處大耳下文

成功文章正指其實而言之天之天以神化無外言則天猶云

配天非法天也蕩蕩無名正是則天處更無兩層

吳因之曰大哉堯之為君即大字便舍下廣遠意而虛贊之耳

若云至德不可加是說至非說大也堯德總統說積之身心而

潛孚默契於天下即下成功文章都在內非專就心體廣運言

曰書說

卷十一

十一

石鏡

四書註疏 卷十一 揚蕩無名亦只重堯德難名不重民不能名上

魏魏乎其有成功也煥乎其有文章

此二句提是形容無能名處蓋惟成功不可名所以加魏魏二

字惟文章不可名所以加煥乎二字徐岩泉曰吾人終日在大

中祇見天之萬類森然而已竟不知天之所為是天大處堯之

名祇見其成功則魏然文章則煥然而其為魏為煥者亦竟不

知誰所為是堯大處有可見而終無可名益見得堯之大○季

彭山曰魏乎有成功煥起下句耳煥乎有文章正是成功之大

處猶日月星辰之昭者皆天之大有即堯無中現出或曰

按成功有文章兩有字根上無能名來有即堯無中現出或曰

此節從首句為字生來不根無能名來雪菴解曰蕩蕩民無能

名焉於無處想其大魏魏乎其有成功也煥然其有文章於有

處摹其大大哉堯之為君也

附南華經曰天之蒼蒼其正色耶其遠而無所至極耶蓋世未

有見真天者見其狀若蒼蒼爾世亦未有見真堯者見其功業

文章魏然煥然爾故曰惟天為大惟堯則之唐虞一片本地風

光豈惟世人莫能見即聖如孔子亦不能見孔子豈惟不能見

堯亦復不能自見也見堯於堯牆海蟲編

地牆壁瓦礫皆是見堯也故曰見堯於堯牆

才難章句姚承菴曰此章非並美周家才德之盛夫子原是

石鏡

四書說義 卷十一
論才於周而因及於德論武所得之才而因及於文蓋曰揖遜
遠矣周之德無媿焉而濟濟多士不得輔治平僅以戡禍亂則
其所遭不幸耳其意致特深○按此章精神結聚處只在唐虞
之際四字周之德三字蓋悲武王不得遊唐虞之天而推尊文
王之至德也記者劈頭便立公案即治字亂字五人十人字俱
有意在○吳因之曰武王克商孔子終有不滿故才難一節寔於
揄揚中致惜才之嘆若言武王資十亂以勝殷不若文王守臣
節以事殷但其意含蓄人自不覺耳朱註其自深○句可味
葛屹瞻曰此章乃言周之媿美唐虞者不在才而實在德

舜有臣五人而天下治○武王曰予有亂臣十人

玩治亂二字便有揖讓征誅之不同吳因之曰當舜之時五
十二牧○人才濟濟而第曰舜有臣五人而天下治自不消得多
至武王曰予有亂臣十人若有自幸其多者然勘禍定難已非
揖遜時光景故夫子不嘆才之盛而反有感於才之難

○孔子曰才難不其然乎唐虞之際於斯為盛有婦人焉九人而

已

此節固是嘆才之難實是贊周才之盛勿作不足之詞才難是
全才之難非人才難也要在極盛之世見之唐虞二句重周言
而以唐虞形之須看一際字若使唐不際虞虞不際唐則其盛
亦不能如周夫唐虞一盛寥寥千載至周再盛固見才難際却

亦不能如周夫唐虞一盛寥寥千載至周再盛固見才難際却

四書... 婦人止有九人。大見才難。○牛春宇曰於斯為盛不就數之多寡上較。輔慶源曰詳味夫子之言使人有愛惜敬重人才之意。

三分天下有其二以服事殷周之德其可謂至德也已矣。此節大意只云周之才固比隆於殷虞而周之德亦非不足於揖遜也。觀不曰文王之德而曰周之德可見若泥定培養說亦牽強。○三分有二就民心言非真畫地而分也以謂左右之作率字看服即帖服之義見其出於中心若衣之附。○武無一毫勉強意。

陽曰三分天下有其二以服事殷非特文王為然書曰惟十有三年大會於孟津中庸曰武王未受命由十三年以前觀之武王亦文王也孟津之會天與人歸不得已而順之應之耳豈可沒其初心哉。夫子槩而贊之曰周之德雖謂白武王心事可矣。附顧開雍曰豪傑濟一時之艱故為君者不可一日而無臣綱常係萬古之重故為臣者不可一念而無君。武王之率作十人只可稱豪傑之作用文王之翊戴一人也方可稱聖賢之純心。馬君常曰宇宙有變局武王乘之故十亂奮焉而為周之才。乾坤有常經文王安之故十人潛焉而為周之德。論才則止得乎十人之九論德則已忘乎三分之二。

子曰禹吾無間然矣。非飲食而致孝乎？鬼神惡衣服而致美乎？
 黻冕卑宮室而盡力乎？溝洫禹吾無間然矣。此章豐儉二字，不必甚繞，讀非飲食三句，便見禹克艱心法。只
 將菲惡致盡幾箇字，眼模寫，真是無纖毫罅漏處。故夫子以無
 間稱之，言其克盡君道，直接精一心法，無此子空隙也。不但
 曰孝鬼神美黻冕，而必曰致者，內極其情，外備其物也。力溝洫
 而曰盡者，無所不竭也。疏曰：飲食鬼神所享，故曰致孝。祭服備
 其采章，故必致美。溝洫人力所為，故云盡力。附徐岩泉曰：聖人以萬物為一體，不於自己身上起念宮室之
 卑衣服之惡，飲食之菲，吾居之衣之食之，蓋其心在彼而不在

此有不自知其為薄者，正是有天下而不與處也。馮具區曰：自古聖人惟禹之治水，作用最大，有大作用者，或細
 行有所不矜，却于衣食宮室間，精義入神，如此用心，何等周密。
 管登之曰：禹傷父殛，故不知有南面之樂，而衣食宮室過自抑
 損，情之至也。至於祀神治民，盡心盡力，又所以祗承舜禪而不
 負神人之托。此皆孝心所形，故夫子特表而出之。徐玄扈曰：禹
 之時，五帝之質朴，猶存三王之文明，漸啓夫子慮人有以升降
 議優劣者。故於堯曰大哉，於舜曰君哉，而於禹獨曰無間，似有
 深意。

四書說統十一卷終

[Faint bleed-through text from the reverse side of the page]

石鏡山房四書說統卷之十二

子罕第九

○子罕言利與命與仁

按聖人以言覺世。即啓口容聲。無非逗漏學者之機。記者默窺其意。而以罕言示教。不是不言。却又欲盡言。此是聖人甚麼意思。若把所以罕言之故。一口道破。便非語意。○利字略讀斷。謂夫子罕言利。命非利也。亦與利罕言也。仁非利也。亦與利罕言也。一則恐其淪於卑污。一則恐其驚於高遠。○利不是貨利。凡計功算效。皆是命主理言。不必兼數。仁指心體言。命仁總是一理。但有天道人道之別。

四書詩統

卷十一

十一

石鏡

與字諸說
各有解此
解尤精

許敬菴曰世之學者卑之言利欲高之譚性命聖人並罕言之窮深極玄而忽略於庸言庸行其病不淺於利欲之人然後知聖人為慮之遠也袁七澤曰利聖人不肯言命與仁聖人不能言王觀濤曰記者不欲以理欲溷說故著兩個與字袁滄孺曰此三者聖人何嘗不言只是要把利與命與仁並言聖人則罕言之也蓋天理人欲不容一口而譚如賜不受命而貨殖焉此不與命並言之一徵也如仁者先難而後獲此不以利與仁並言之一徵也此是唐虞分別道心人心之意也執御章旨○按此章與多能章參看總是不貴博之意觀黨人口氣都是美夫子之辭但聖學全不貴博故拿個執字破他夫子之意不是辯其無所成名只是辯其以博學為大而不可名恐世之人但求之於博耳黨人立言之弊只在博學二字夫子射御之說亦只辯其博學二字

諸解附

此解平實

見羅曰黨人以大哉稱孔子儘知孔子無所成名彷彿民無能名氣象孔子聞之不敢自當擬執一藝以自名若不喻其意者然張侗初曰名乃名目之名不作名譽解無成名正見其博黨人重博學為大而不知夫子之大非博而無所成名乃化而不可名也故孔子也不說個大也不說個博也不說個名只就平

不立一解
正是解人

石鏡

石鏡

石鏡

石鏡

道藝不分
亦是轉解

把執字亦
括却又轉
法華矣

四書說義 卷十二
常技藝事自己。籌度一番。見無之。非學無之。非名處。此際冲漠。
意思。非言能傳。故只須在子聞之。謂門弟子七個字上想。

張南軒曰。黨人豈知本末精粗。一以貫之之道者哉。故夫子但
舉一藝自居。而又於藝之中。偶居其最卑者。以見道之無不在。

○學。至於聖道。與藝不得分之為。兩黨人識夫子之博。而不知
博之未始不約也。人知夫子之執御。而不知御之未始非道也。

吾執御矣。一以貫之者也。

周季侯曰。黨人錯認博學是大。故夫子反將博字引歸執字。大
意謂人惟無事於博。故空洞之中。得以息心於何有。倘必取期
博學。則一能一技。逐件俱要去。做執御也可。執射也可。件件可

執。即執盡天下。只如射御一般。蓋黨人看博學恁大。夫子說
來。只做得一執御之人。何等湫小。可見一博則便落方隅。便不
得為大。夫子本意。全在語氣之外。不必將名字牽涉。

○達巷黨人曰。大哉孔子博學而無所成名。

牛春宇曰。黨人既稱大哉孔子。則所謂博學而無所成名者。皆
所以贊其大也。無所成名。猶言人莫得而名也。何謂惜。

○子聞之。謂門弟子曰。吾何執執御乎。執射乎。吾執御矣。

王觀濤曰。聖人只不欲以徒博率人。故為此言。若曰。與其汗漫
博學。吾寧執御耳。口氣平易明白。初非反言。以見道無可執也。

且執字亦只專習一藝。與執一不通之執不同。

曰書說義

卷十二

石鏡

作遊戲語也
得作真
實語也得

附李衷一曰、吾何執一句。不是虛下。作執射執御起語。正夫子無執本意。承上文大哉說來。正見大無可容。吾之執也。執射執御。不是審度之詞。一有所執。便落於技藝之末。言外有諷悟黨人意。吾執御矣。此夫子遊戲語。蓋既已為執。即御亦執。隱然見執之可鄙。而凡世之所執者。皆射御類也。此即多能鄙事之意。不是謙詞。

子曰麻冕禮也。今也純儉。吾從衆。○拜下禮也。今拜乎上。泰也。雖違衆。吾從下。

本文兩家

李九我曰。聖人舉麻冕以例。拜下言我何嘗泥古。如麻冕純儉。可從則從之。但此心過不去處。要從他也。從不得。此儉字只是省工夫。取簡便之意。非奢儉之儉。趙氏曰。制度節文之細。猶可以隨時。至繫三綱五常者。萬世不容易。

從儉即是
私禮

附李衷一曰。二節俱是維禮之意。周末文勝。競趨奢靡。夫子欲挽之。而不可得。以純易麻。正有反樸還淳之風。點出個儉字來。分明有從先進之思。不是以上段起下段。只是就禮之變者上斟酌。俱是大關係處。泰是亢惕。其君意。或曰。二節原是一意。以亂生于僭。僭生于奢。從儉之意。就是維僭之意。

子絕四。毋意。毋必。毋固。毋我。

此章總見聖心之虛。四者皆無。原是心體。聖人完全此心體。空然洞然。何有四者。要就聖人心體上。描出真無境界。不必着在

不必以事
前事後分

四言說

卷十二

四

山房

事上說一念自主便是意一念拏定便是必一念不化便是固
一念有已便是我皆是道理上偏有執着莫看粗了。先子曰四
者始於我而終於我人惟有我故任私意既任私意百病俱生
故有期必之心有固滯之患。凡若此者又只是成就一個我耳
有我則又起意展轉不已

解字 王龍溪曰意是本心自然之用如水鑑之應物變化云為
萬物畢照未嘗有所動也惟離心而起意則為妄千過萬惡皆
從意生而必固我盡從意成毋意則本心自清自明不做思為
虛靈變化之妙用固自若也空洞無體廣大無際天地萬物有
象有形皆在吾無體無象之中隨感而應而實不離於本心自

然之用或以毋意為滅意非也滅者有意而後滅毋意原未嘗
動何有於滅或以毋意為毋惡意亦非也善與惡對心本無惡
有何善意有善可為是謂義。非慚于心誠偽之所由分也。或
以毋意為立說過高非初學所能及亦非也初學與聖人之學
只有生熟安勉原無二致及其知之成功一也

解字 龔應身曰此我字只是已在念頭上說不屬形骸上說聖
賢無我乃是克己佛氏無我乃是輕身故云外其身而身存又
云使無此身亦復何患此其間不可不辯
附 羅近溪曰毋字是禁止意孔子之所絕者絕此四毋也蓋一
有毋意毋必毋固毋我之心便非空空本體

四言說

卷十二

四

石鏡

附素七澤曰過去之心已往見在之心不住未來之心未本
 無意必本無固我人日用可以反觀然則此四者不特聖人
 無之即凡民亦未嘗有耳聖人悟之故有若無愚人迷之故無
 而為有蓋聖凡之辯微矣
 文在章旨○此章是見聖人以天自信即孟子不動心之學非
 好為自矜亦非姑為自解也將喪未喪都活說乃未定之辭但
 其意在未喪一邊耳註添一轉便說殺
 子畏於匡
 按古人遇難而有戒乃儆備非畏懼也亦有愛道以愛其身意
 ○曰文王既沒文不在茲乎

夏九範曰文即典籍之文道之所寓文傳而道亦傳也茲字猶
 今人說這裡一般孔子只說文不必說道只說在茲不必說在
 我得與於三字尤隱然
 胡雲峰曰文不在茲之文即文王之所以為文也文王接堯舜
 禹湯之統夫子接文王之統皆天也紂能囚文王不能違天而
 害文王匡人能違夫子不能違天而害夫子
 ○天之將喪斯文也後死者不得與於斯文也天之未喪斯文也
 匡人其如予何
 袁了凡曰後死對既沒而言以斯文之興喪決此身之存亡而
 外患無所動心此事天立命之學也蔡虛齋曰子曰天之未喪

此說為是

斯文也。是猶望其幸也。非是止欲著述以傳來世而已。此與吾

為東周之意同。附管東溟曰：玩天之未喪斯文，當指替易一事。說易始於羲皇。

為萬世文字之祖。文王演之為辭，故姜里不足以死。文王夫子

韋編之披，文在茲矣。匡難如何害得。

多能章旨。全章以三語斷之。太宰謂多能是聖，子貢謂聖又

多能，夫子不居其聖，說多能非君子之所尚。蘇然溪曰：聖人之

道，一以貫之而已。太宰以多能為聖，不必言矣。子貢謂天縱又

多能，亦未能脫然於多能之外。猶多學而識之習也。故夫子以

君子不多曉之記者，引宰之言，特提出一藝字，正可味道形而

上。藝形而下，一上一下之間，而聖人之所重，輕可識矣。

附焦弱戾曰：昧道者務多，知道者棄多。忘道者不厭多，何者知

多之，不為礙也。然此非太宰之所及也。故夫子微示之曰：君子

多乎哉，不多也。言外見以多求道，非其數也。其統之有宗，會之

有元，何多之有。

○

太宰問於子貢曰：夫子聖者，與何其多能也。

按說者皆斥太宰之謬，然說箇與字及何其字，則亦非直以多

能為聖人也。乃揣摩而未得其所以多能意。

附焦弱侯曰：太宰聖夫子以多能黨人，大夫子以博學充太宰

之見，則一塵可以蔽天，一芥可以覆地也。况於多乎？充黨人之

石鏡

一貫二字亦不必增

見則游。子群數之塗而非數也。投之乎百為之會而非為也。無成名。其所以大成也歟。

○子貢曰：縱之將聖又多能也。

莫中江：太宰不惟認多能為聖，併其謂夫子之聖亦是疑詞。

故子貢：他說爾疑夫子為聖者，來真個像天縱容他生知。

安行殆：個聖了，但爾為能多能是聖，則多能特其餘事耳。

固：不必做寔字解，與又字相應。

○子聞之曰：太宰知我乎？吾少也賤，故多能鄙事。君子多乎哉？不

多也。

陳白沙曰：太宰以多能為聖，子貢見得夫子固是箇天縱之聖。

人又蕪了多能，夫子曰：太宰知我止是應承了太宰多能之語。

少賤鄙事，正迴避了子貢天縱之稱。君子不多，則已打破上面

兩個聖字，而多能非以率人意在中。

吳因之曰：不多也三字極妙。聖人要從大原頭處透徹千頭萬

緒，多會一原即多，何足以名之？湯霍林曰：不多不由學問，就天

生本來說原無一物焉，得有多馮具區曰：夫子說個君子不多

正欲子貢想其所以不多處。陳元卿曰：君子不多之意即在上

鄙事句，便見得徐自溟曰：只是不多連能字也不添。

附袁了凡曰：太宰知我乎言太宰其知我所以多能之故乎？或

以為知我，或以為不知我，皆非語意。李東一曰：夫子以多能為

曰

卷

八

石

鄙事這多還在釣弋獵較上看其與不多對還是精粗上下之

別非博約煩簡之別近來把多能當多聞多見者以不多當一

貫者畢竟非不貴多能本旨

附王字泰曰多即不多不多即多非不多而多不存非多而不

多不顯多與不多血脉不絕故曰君子多乎哉不多也太宰以

多能為聖意雖失之而語則無病子貢以聖又多能則多能在

聖之外血脉斷矣故聖人覺之曰太宰知我乎

宰曰子云吾不試故藝

點出一藝字正以藝證多能以不試證少賤也或謂君子大

故以不試別之

子曰吾有知乎哉無知也有鄙夫問於我空空如也我叩其兩

端而竭焉

牛春字曰此章只是聖人本無知由問乃有知意鄙夫一段總

是形容得個空虚順應的景象雖有答問而總歸於無知有

知無知知字都從知識上看空空屬鄙夫兩端竭亦屬鄙夫其

字正指鄙夫言不應屬夫子身上李象一曰鄙夫從空中起

問夫子從無中生叩一語相觸了無隱機到竭時鄙夫依舊是

空空夫子依舊是無知夫子不曾有分毫知識增鄙夫自己心

體上亦不曾有一毫知識加入故曰無知兩端註云始終本末

石鏡

上下精粗。陽明云：是非兩端者，未只是真知本體之全耳。聖人之心，渾渾淪淪，尋之無迹，只是無翫夫之心。未鑿未破，叩之有端，故有兩。

諸解附

揚慈湖曰：無知者，聖人之真知。而聖人之知，實無知也。以聖人之道為可以知者，固未離於知。以聖人之道為不可以知者，亦未離於知。惟其猶有不可知之知，非真無知也。聖人之真無知，非智識所到，非知不知所能盡。李卓吾曰：空空如也，正說自家心體。無知，竭亦是還歸於空處。方明齋曰：聖人之心，冥之則無觸之，則有雖應處見有卒亦還歸於無。

陳行之曰：以空空屬鄙夫說，亦通。蓋惟空則可叩也。兩端亦空中所起之頭緒耳。陸象山有言：與有意見人說話最難入，以其不空也。

朱子曰：兩端猶言頭尾也。竭兩端言徹頭徹尾。聖人之心，至虛至明，萬理畢具。一有感觸，其應甚速，無所不通。

徐玄扈曰：兩端即所問中而已。其者無我相，竭者無留識。此非實有鄙夫來問，只是設言。

巢睫子曰：未問無知，以待彼方問時無知以益彼。既問後無知以滯彼，總是箇無知也。故嘗思叩而竭亦非由問，乃有知之義。

四書說統

卷十二

九

石鏡

只是形容箇無知光景。袁七澤曰：虛明之中，豈容一毫妄知？聖人真無知也。惟全體無成全體，有小叩小應，大叩大應，譬如風不自觸，故遇物而于鳴，不斷鐘不自鳴，故隨叩而清韻常生。聖人若有知焉，能叩兩端而竭耶？羅子曰：須要識得聖人此論，原不為鄙夫之問，而只為明此心之體。

焉破本文
吾有二字

周季侯曰：世人只憑着自己聰明見解，便把一箇空洞的道理，都攪攪到自己身上去了。却不知尋索自心，我從何處躲根知從何處盛立？彼我之間一片俱是圓融無碍境界，我只從中一為叩擊，本自完全，正不必取天下之公藏，作自己的家珍耳。空二字只是想像道理如此，似不着夫子與鄙夫上。

○子曰：鳳鳥不至，河不出圖，吾已矣夫。

高中玄曰：孔子非思鳳鳥、河圖也。鳳鳥、河圖，伏羲舜文之瑞。孔子思伏羲舜文之君而不可得見，又不可以明言，故托思鳳鳥、河圖以寓意耳。若得伏羲舜文之君，即鳳之不至、圖之不出，可也。李卓吾曰：說已正，見其不已處。

○子見齊衰者，冕衣裳者，與簪者見之，雖少必作過之，必趨。許敬庵曰：其作與趨，無非天則惻隱恭敬之心。人皆有之，唯聖人能全之爾。

附謝顯道常令朱子發聽說論語，首舉此章，及師冕見章，曰：聖

分兩截者
者非

人之道無微顯無內外由歷掃應對而上達天道本末一以貫

喟然章旨○鄧定宇曰此章通是贊聖道之妙高堅前後正是

欲從未由時光景通是假借形容之詞聶雙江曰顏子既得聖

道後只覺着力不得故喟然而嘆仰鑽瞻忽正是形容道妙處

非嘆始求之難也循循二節只歸功於夫子之善誘正是發明

首節意卓爾句分明是瞻之在前末由句分明是忽焉在後工

夫無先後二際其見聖道亦無虛實兩界王龍溪曰顏子喟然

一嘆蓋悟後語無高堅可着無前後可據欲罷而不能欲從而

末由非天下之至神何足以語此

附問顏子沒而聖學忘此語不能無疑先生曰見聖道之全者

惟顏子觀喟然一嘆可見其謂夫子循循然善誘人博我以文

約我以禮是見破後如此說博文約禮如何是善誘人學者試

思之道之全體聖人亦難以語人須是學者自修自悟顏子雖

欲從之末由也已即文王望道未見意望道未見乃是真見顏

子沒而聖學之正派遂不盡傳矣傳習錄

顏淵喟然嘆曰仰之彌高鑽之彌堅瞻之在前忽焉在後

朱子曰高堅是說難學前後是說聖人之道捉摸不着聖人之

道是個恰好底道理不着意又失了總着意又過了高堅前後

只是中庸不可能程子曰他人見孔子甚遠顏子瞻之只在前

石鏡

通章精神
全在喟然
二字上

後○但○只○未○在○中○間○爾○

周○季○矣○曰○凡○人○到○心○力○莫○庸○處○始○發○之○嘆○喟○然○二○字○正○欲○從○末○

由○之○真○景○象○也○記○者○以○此○擬○其○神○情○絕○有○可○想○丘○毛○伯○曰○兩○彌○

字○一○忽○字○正○是○立○卓○之○境○此○是○悟○後○譚○迷○乃○嘆○道○語○非○求○道○語○

乃○既○得○語○非○初○入○語○

附○吳○省○菴○曰○喟○然○之○嘆○固○是○嘆○道○之○妙○實○從○末○由○處○來○初○然○如○

此○力○求○不○但○無○所○從○抑○且○無○所○見○一○得○夫○子○之○教○便○去○着○力○及○

着○力○之○盡○又○到○着○不○得○處○如○之○何○而○不○喟○然○嘆○也○

夫○子○循○循○然○善○誘○人○博○我○以○文○約○我○以○禮○

按○前○節○是○總○唱○起○語○此○節○大○意○是○由○今○日○末○由○之○光○景○追○思○夫○

子○當○時○之○指○點○耳○循○循○只○是○不○凌○節○而○施○之○意○非○博○約○有○先○後○

之○序○也○文○禮○非○二○物○博○約○非○二○事○文○即○禮○之○散○見○處○禮○即○文○之○

會○歸○處○點○出○二○戒○字○見○文○與○禮○皆○吾○所○固○有○者○夫○子○只○一○開○示○

云○爾○方○文○伯○曰○文○不○是○名○物○象○數○之○文○即○視○聽○言○動○日○月○之○燦○

然○者○禮○即○本○然○之○天○則○由○博○歸○約○即○從○視○聽○言○動○漫○到○性○靈○上○

來○此○與○克○己○復○禮○是○一○件○工○夫○

附博約解

朱○子○曰○博○文○約○禮○兩○事○須○是○互○相○發○明○不○博○則○無○以○造○乎○約○不○

約○則○無○以○蓋○乎○博○和○勿○齋○曰○學○問○無○窮○必○究○極○其○理○是○曰○博○文○

檢○束○有○要○必○循○其○則○是○曰○約○禮○王○陽○明○曰○博○文○即○是○惟○精○約○禮○

曰○書○說○說

卷○十○二

十○二

不○說

工夫亦是
一時俱到

即是惟

蔡覺軒曰不說窮理不說格物而說博文蓋文上該乎理而比之理則尤顯下該乎物而比之物則尤精不說理而說禮便與復禮之禮同此禮字便有檢束便有準則若說理便泛了更味兩我字尤見以身體之切實用功處

著誘字妙

馮厚齋曰博文約禮夫子教人之法皆然惟顏淵求道之力認道之真有以見夫子之為我設耳沈無回曰想顏子至此不特文理是筌蹄即夫子平日教示亦都是借徑故下個誘字欲罷不能既竭吾才如有所立卓爾雖欲從之末由也已

湯霍林曰通節一直說下非有幾轉惟欲罷不能是以既竭吾才惟既竭吾才是以見其立卓而欲從末由即於其立卓處言之非是兩個境界湛甘泉曰博文約禮何以欲罷不能仰鑽瞻忽是致力在夫子上博文約禮是用功在自已身上即用常行自為自得無可罷時耳欲罷不能是住不得手時雖欲從末由是放不得手時

欲罷不能句

王龍溪曰此是真性流行無可歇手處譬之真陽發於重泉之下不達不已才就是性之作用吾人不能竭才固是不肯操捨性命忍此一刃亦是未曾見性所以歇得手顏子至健以致其決是性體天然之勇氣魄上支撐作為上湊泊非竭才也

如有所立卓爾句

朱子曰卓爾是聖人之大本立於此以醇酢萬變處即前日高
堅前後應今看得確定親切不似向來無根模處李衷一曰卓
立曰有則非無曰如有則非有是不落有無境界欲從末由就
是卓立之分明處道體虛圓活潑無在不在可從即非道非真
見道安能以末由狀之張子韶曰見得分明乃謂如分明如此
尚為踈莫從見處留形影始信心齊萬象虛

雖欲從之末由也已句

徐自溟曰玩雖欲二字只是嘆道妙的說說正首節彌高彌堅
在前在後的意思若泥定回寔欲從則連卓爾亦是呆境○王

龍溪曰喟然一嘆何異譚禪以博文約禮為善誘此悟後語譬
如黃葉之止見帝實非金也顏子竭才于善誘之教洞見道體
活潑之機而難以開口姑以一言發之謂之如有則非實也謂
之卓爾則非虛也仰鑽瞻忽猶有從之之心既悟之後無虛無
實無階級可循無途轍可守惟在默識故曰雖欲從之末由也
已此真見也

附袁七澤曰骷髏裡一副能思量解會的力量所謂才也真使
得人七顛八倒至彌高彌堅在前在後眼見虛花孔子沒奈何
難以本分事接他且教他去博文約禮漸漸消然他才力果然
苦極憊極欲休不得湊泊到鍼劄不入處一副力量都消磨盡

了○然後躍然有見○乃通身汗下○曰將○許○別○有○元○來○如○是○遂○休○歇○去○矣○雖○欲○從○之○末○由○也○已○非○親○證○人○不○能○作○此○語○也

子○疾○病○子○路○使○門○人○為○臣○病○間○曰○久○矣○哉○由○之○行○詐○也○無○臣○而○為○有○臣○吾○誰○欺○欺○天○乎○且○予○與○其○死○於○臣○之○手○也○無○寧○死○於○二○三○子○之○手○乎○且○予○縱○不○得○大○葬○寧○死○於○道○路○乎

此○章○聖○人○只○惡○一○欺○字○由○之○行○詐○只○自○為○臣○一○事○上○言○之○管○登○之○曰○夫○子○嘗○從○大○夫○之○後○則○以○臣○禮○治○其○喪○亦○非○無○辭○但○春○秋○之○作○全○在○誅○僭○竊○以○正○名○分○而○影○用○大○夫○之○喪○禮○乃○身○自○犯○之○則○何○以○矯○三○家○之○僭○而○討○陳○恒○也○故○切○責○由○如○此

梁○無○知○曰○此○與○不○肯○厚○葬○顏○子○共○一○個○念○頭○蓋○君○道○師○道○夫○子○知○其○有○分○何○必○復○借○君○道○以○為○重○臣○之○手○二○三○子○之○手○語○極○有○味

○子○貢○曰○有○美○玉○於○斯○韞○匱○而○藏○諸○求○善○價○而○沽○諸○子○曰○沽○之○哉○沽○之○哉○我○待○價○者○也

此○章○即○是○用○行○舍○藏○的○道○理○子○貢○之○言○病○在○於○求○夫○子○之○言○妙○在○於○待○張○南○軒○曰○子○貢○以○美○玉○為○喻○疑○夫○子○將○終○藏○而○不○售○也○若○夫○子○之○意○則○以○為○君○子○豈○不○欲○施○用○於○世○乎○然○其○不○輕○售○者○必○待○其○可○而○後○出○爾○如○子○貢○所○謂○求○善○價○則○非○矣○待○價○者○循○乎○天○理○而○求○善○價○者○則○已○心○先○動○矣

蔡○義○伯○曰○聖○人○無○一○日○不○思○用○世○子○貢○豈○不○見○得○美○玉○之○論○非

通○章○俱○是○言○語

石○鏡

石○鏡

四書說義 卷十二 十六 山房

諷其沽也。是商量如何應用之詞。但不免微動於意。夫子則用行舍藏。無一日忘天下。而未嘗先與一天下用我之心。故曰聖之時者也。○沽之哉。三句。一句讀意實重。沽但沽亦須價至耳。今人不解此意。待字看得鄭重。將夫子一片易世之熱腸。寫作傲世之冷眼。試檢夫子一生行事語言。曾有一日不沽否。

○子欲居九夷。○或曰陋如之何。子曰君子居之何陋之有。張南軒曰。欲居九夷。與乘桴浮於海之嘆同。或人未之喻。則以為直欲往也。夫子之所以告之者。乃行乎夷狄之道。蓋無入而不自得也。○不必說所居則化。此言礙了中國。只在君子居之。一句上討神情。何陋之解。只就其言而反之。不與明言亦不堪深論。若着一死煞語。便是癡人爭夢。

附薛敬軒曰。昔吾夫子欲居九夷。門人惑之。殊不知九夷雖遠。固不能外是道。以有生聖人所在。即道之所在。又豈有不化之人哉。今去聖人僅二千年。不問海內外華邪蠻區。愚夫小子。皆能道吾夫子之號。而起尊信之心。由是愈見其道之大焉。居夷之言。非假設也。

○子曰吾自衛反魯。然後樂正雅頌。各得其所。此章只重正樂。而雅頌即樂章。蓋被諸絃歌者。雅頌得所。即是樂正。裡面事。反魯內有正樂工夫。而正樂即有剛詩工夫。然後二句。舉其成功言。○雅頌各得其所。就是樂正。翕純皦繹。以樂

石鏡

之節奏而言此不主節奏主聲詩之被於樂者言三家者以雍
徹則不得其所生舊以得所為殘缺有補失次有序說與此稍
異

李衷一曰哀公初年遣人自衛迎孔子孔子有興魯之望以魯
事之非莫大於名分而名分之倒置莫甚於樂故寄定名分之
心於定樂之中得所就是樂正非以雅奏於朝頌奏於廟為得
所謂奏之於所當用便是得所蓋古者宗廟朝廷房中之樂各
有篇章不相淆亂使諸侯不得僭天子大夫不得僭諸侯乃所
以為正樂之功

因商頌故
附成湯

欣和悅以盡群下之情或恭敬齋莊以贊先王之德如周公之
盛矣頌得其所則可施之宗廟而美盛德之形容以其成功告
於神明如成湯文武成康之盛矣蓋使夫子得用則其正樂之
功見於行事者便是如此非空言也

雅頌考

卜子夏曰言天下之事形四方之風謂之雅雅者正也言王
政之所廢興也政有小大故有小雅焉大雅焉頌者美盛德
之形容以其成功告於神明者也

子曰日出則事公卿入則事父兄喪事不敢不勉不為酒困何有
於我哉

張南軒曰此章視之若易能然行之無憾則未易也蓋於天理之當為者未盡其道人情之易動者不踰其則雖聖人亦極乎是理而已夫子教人每指而示之近使人皆可勉焉

附楊慈湖曰此時平嘗初無高峻難行之狀孔子眼示中庸之道所以破學者求過於高深幽遠之弊湯霍林曰何有於我正在日用細微處自家檢點此與庸德之行不敢不勉之意同

高中玄曰他人只在形迹上看必待沈酣顛倒方謂之困聖人在心上看稍過其則便自知之何有於我若自他人視之依然動容中禮何有一毫差錯此正聖人極精細不可及處

王守泰曰孟子說堯舜之道孝弟而已矣乃眾人亦未嘗箇箇

傲慢如何只是堯舜能孝弟此等處皆當致思古人稱堯允恭克讓安安却根於欽明文思中來稱舜溫恭允塞却根於文明中來乃是盛德自然便是堯舜的孝弟令人事父兄亦多體面不失事公卿謹密決不致得罪然一念之微不知與盛德自然何啻天壤以此見孔門之學平實中最精微

○子在川上曰逝者如斯夫不舍晝夜

此章夫子因川流以想見道體而發此嘆不宜直指道亦不宜直指水只就天地化機上闡發逝者二字可味只活潑潑地之意不可作徃字解不恰正是所以逝處晝夜常逝而不止見化機無息之妙全要描寫他指眼前所見的以狀出中心所會的

光景言外見體道當有無息之功
程子曰水流而不息物生而不窮皆與道為體運乎晝夜未嘗
已也是以君子法之
水喻道薛敬軒曰
是道理無一息間
魚躍是道理無一毫虛缺處逝者如斯

諸解附

周季侯曰字宙之內那一件不逝那一刻不逝常人戀景着物
但知來而不知往夫子拈一逝字舉宇宙無窮機括盡情點出
張侗初曰天地之道運而無所積不積者逝之謂也聖人實會
得眼前都是不留礙不停息的轉眼便去轉眼便新遂於川上

偶一洩露之是以為聖人之時時非晝夜之謂也往與來相接
之處有真血脈真光景存焉悟此可以言不舍

楊復所曰聖人觸目是道偶在川上而歎之昔人所謂在川言
川是也切莫認指為月

問逝者如斯夫是說自家心性活潑潑地否陽明曰然須要時
時用致良知的工夫方纔活潑潑地方纔與他川水一般若須

與間斷便與天地不相似此是學問致極處聖人也如此

楊慈湖曰時運而往自生至死流逝如川之急常情戀景着物
多不悟時運如此之速故不勇於道學聖人斯言所以警誨學
者深矣

○子曰吾未見好德如好色者也
如好好色此誠意之學聖人指出人心中一點真好正要人全
在○不○見○之○地○着○力○非○絕○望○語○

○子曰譬如為山未成一簣止吾止也譬如平地雖覆一簣進吾
往也

吳因之曰此章是聖人鼓舞其辭以戒人之止心勸人之進心
兩一簣字要看吾往吾止一是譴責深罪他一是鼓舞引掖也
語意只謂止則便是我自家不是進則便是我自家本事人亦
何樂而自止何憚而不自進哉全是言當進不當止與為仁由
己話頭不同○李卓吾曰先說止而後說進此聖人絕妙鼓舞

徐自溟曰九仞之後猶當凜一簣方覆之思一簣之始便是存
九仞易虧之慮

姚承菴曰大抵學者精神須教常奮發然須徹頭徹尾無少懈
怠間歇方是精神銳始而懈終卒歸於無成為山掘井之喻可
為三復

○子曰詔之而不惰者其回也與
李衷一曰語時精神醒發流暢活動勃勃乎不能自已處是不
惰蓋描畫出妙解的形狀不可說行時不惰若謂奮然欲行之
意亦未是不解的人與語如水沃石一味昏昧無醒發便是惰
了

袁了凡曰他人行之而不惰惟回語之而不惰只就心裡說力行即在心解中當其聞教之時精神奮發意氣殷勤如苗本具生息之機時雨一施沾着便發暢茂條達自有不容已者今人者不惰通作平日力行工夫全不像語之口氣

子謂顏淵曰惜乎吾見其進也未見其止也
王字泰曰止字當作止極之止令人但知聖賢終身從事於學而不知自有大休歇之地則止字不明故也惜乎二句惜地尚涉程途未到得家耳竟之安汝止良之止其所大學之止至善即此止字

侯二谷曰學無止法言心也然始乎為士終乎為聖人知終終之斯之為止傳以方進未已言之蓋諱乎學之有止云爾朱子曰顏子來到那成就結果處
附 鄒嶧山曰只是惜顏子進道之勇自平日工夫說言回之學有進機無止機也

子曰苗而不秀者有矣夫秀而不實者有矣夫
王觀濤曰此重學必期於成語意要重歸到實上論而兩不字皆由人力未到不兼天時吳省庵曰兩有字謂其出於常理之外嘆其不應有此以令人思其所以有此之故張雨若曰採春華而忘秋實學之大病也故學必歸到實上方是為學
丘毛伯曰夫子欲人在根本上用功人心如穀種必培植灌溉

而後漸生發。漸充滿。若不在根本上用功。甚至不秀不實者。亦有之。說得煞甚。警醒。

子曰後生可畏焉。知來者之不如今也。四五十而無聞焉。斯亦不足畏也已。

此通是激勵後生。只作一人看。說可畏。所以款勸他。說不足畏。所以警惕他。吳省庵曰。見後生之終。便是四五十之人。原四五十寸之始。便是後生之人。失其所可畏。便到不足畏的境界。如何。一息可急。惰得。

張南軒曰。有至於四五十而知好學者。如中庸所謂困而知勉而行。聖人猶有望焉。若後生雖有美質。而悠悠歲月。則所謂

四五十者將轉盼而至。可不懼哉。

參王陽明曰。四五十而無聞。是不聞道。非無聲聞也。夫子云。是聞也。非達也。安肯以此望人。來對今。只就後生言。將來必強

如今日也。不必添我字。

附顏氏家訓曰。曾子七十乃學。名聞天下。荀卿五十始來遊學。猶為碩儒。公孫弘四十餘方讀春秋。朱雲亦四十始學易論語。

皇甫謐二十始授孝經論語。皆終成大儒。此並早達而晚寤也。世人以遲暮而因循。面墻亦為愚。爾幼而學者。如日出之光。老而學者。如秉燭夜行。猶賢乎瞑目而無見者也。

子曰法語之言。能無從乎。改之為貴。巽與之言。能無說乎。繹之

石鏡

石鏡

四書說義 卷之十一 十三 山房

為貴說而不繹從而不改吾未如之何也已矣

此章主聽言者當以心受勿作納諫說法言巽言俱是規過紀

律森嚴故曰法言引諭委曲故曰巽言理無可逃故必從情無

所拂故必悅此自進言善處然必改與繹而後實收其益全在

聽言者自家理會與進言者無涉故曰吾未如之何不重吾說

之窮重彼不可救正上○繹取抽繹之義抽此頭緒細細去尋

便有奮發改圖意在改字亦根心上悔悟來

湛甘泉曰說而不繹猶不悅也而其於不悅從而不改猶不從

也而其於不從何也不悅不從者即銅蔽日甚然此念一轉其

奮發猶可望亦從亦說只是不繹不改全是頑皮心性如何着

手或曰從與說也還是個好機括說了不繹從了不改可惜了

這從與說故說未如之何全是激發語氣非絕望語

按本文法語之語與巽與之與亦自有辯而既曰法語下復綴

一言字蓋聖人之言稱引古訓動則先王故云法語而聖人之

意則委婉開導故又曰巽與之言法與巽非兩項即繹與改亦

相因要歸在改上方是實受其益

子曰三軍可奪帥也匹夫不可奪志也

此以上句形下句須於可奪處勿說容易了方顯得不可奪意

出李卓吾曰以三軍之衆而擁護一帥奪帥非易事借此以極

其形容洪氏曰志氣之帥也故以為喻

石鏡

不可奪方
見志不專
或生死言

張南軒曰。志者。中有所主也。三軍雖衆。其帥可奪者。資諸人故也。匹夫雖微。其志則不可奪者。存諸己故也。夫使志而可奪。則不謂之志矣。雖然。此所謂志。謂守其道而不踰。如虞人非其柘不往之類是也。若守定私意。而不知徙義。則是失其所主。謂之任意。則可爾。非志也。

附李崆峒曰。正好在匹字上著意。匹者。一人之稱也。對三軍之衆言。舉三軍言者。正示以衆志難持。意志奪於多岐。而不可奪於獨立。匹夫正無所倚而獨立者。不伎不求章旨。按此章摠在心上看。心體要灑落。最忌粘帶。要冲虛。最忌盈滿。夫子從不耻中。指出一用字。便是引進子路。

機。爛。故。總。此。不。伎。不。求。之。心。耳。用。之。則。可。以。滅。誦。之。則。未。足。以。滅。前。後。只。是。一。意。不。必。以。守。境。化。境。立。解。

沈無回曰。人心怠則進。有則執。至於執。則非獨未得者。不能進。即已得者。亦塊磊不化之物矣。夫子一則曰。何用不滅。再則曰。何足以滅。總是一般前念為滅。後念非滅。正忘與執之間耳。老子曰。人知善之為善。斯不善已。學問無窮。尚在語外。

子曰。衣敝緼袍。與衣狐貉者立。而不耻者。其由也與。衣敝不耻。是極形容子路高明之胸次之詞。非實有是事也。耻。從心上發出。見他真心。不為富貴所動。口頭超脫。俱用不着。不伎不求。何用不滅。

石鏡

不伎不求根。上耻字来。伎者耻之激。而為忌嫉。求者耻之溺。而為希冀。精神全在用字上。李裘一曰。引詩不是贊嘆他。乃是誘掖。將勸他。使他由此以進道。故何足以減。只發明得何用不減。內意非有兩層。

子路終身誦之。子曰。是道也。何足以減。袁了凡曰。心有所著。則好境皆成魔境。子路終身之誦。非不復求進意。只是有意執著耳。故夫子就其得意處。而遣斥之。使知百尺竿頭。更有進步。按是道。指不伎不求之道。足字宜味。謂之曰。何足以減。亦不是不減。但減之分量無窮。此未足以盡之耳。用者階梯之意。足者歸宿之意。

李裘一曰。何足以減。不必拘拘粘言。處貧富上論。吾人性分內事。原無窮也。謂之曰。減。果何有足時。自見以為減。即是未減。李卓吾曰。叫他去。想是道也。緣何便足以減。巢睫子曰。曉得是道也。何足以減。方理會得。不伎不求。何用不減。

子曰。歲寒然後知松栢之後凋也。松栢是借言。非喻言。要重一知字。然以歲寒而後知之。分明概其知之晚。而無及矣。有國家者。慎世以歲寒。知松栢而為松栢者。亦何樂以歲寒。受知也。于肅愍曰。松栢後凋。不徒是明一已之節。有賴此以獨留造化之春。而點綴乾坤之色。張南軒曰。力量之淺深。平時未易見也。惟當利害艱難之際。則

可見其所守者矣。人徒見其臨事之能處也，而不知其所守之有素也。松柏之質，堅剛矣，獨於歲寒之時，而後人知其後凋爾。湛甘泉曰：後凋也者，不凋也。以萬物之凋，而見之，故曰後凋。管子曰：樹木之勝霜雪者，不聽其天。或曰：松柏至春後方易葉，故曰後凋。

子曰：知者不惑，仁者不憂，勇者不懼。

王觀濤曰：此自心體現成者說，不必云工夫，亦不必云次序。不惑就在知字上見，不憂就在仁字上見，不懼就在勇字上見。不是貞外感，只是言心體。周季侯曰：此章是勉人進脩意，須要體貼發言口氣，或與憂懼。

這三種妄情，隨念而起，便似本根之障，却不知心體上原不曾夾帶此三種來。若從心體一照本境，現前諸情自歇，你只看知者何曾得有惑，仁者何曾得有憂，勇者何曾得有懼，人不自去參證，只說外累難除，真辜負此一片好田地矣。

子曰：可與共學，未可與適道；可與適道，未可與立；可與立，未可

與權。

李卓吾曰：此分明指示人以為學階級也。吳因之曰：此言學者既進一步，當更進一步，猛勵以漸至其極，可也。可與不可與，乃步步促之使進，與知之者節主意相懸絕，或曰：此章以學字為脈，權只是學之究竟處，或曰：全歸重到權上，自可與共學，必

直至可與權處。方為適道之極。方完得共學之事。言未可與者。正是有待而進。不凌節輕發。以令人馴致其極之意。袁了凡曰。學所以謀道。可共學而未可適道。則所學者為何事。耶。蓋道者率性之謂。總着安排。便非性體。故學雖向道而趨。終是有作有為之方。非究竟達天之路。即極力脩持。只可謂之用功。不可謂之率性。既能適道。天真易合。保任尤難。一毫有間。全體皆非。故未可立。能立則時時處處無非道矣。然統同之性。易達而差別之智。難明。周流六虛。隨方合節。權豈易能耶。徐自溟曰。學若立得純熟。處亦自然能權。權亦由立來。而化其立。到權處。亦是立處。但立時恐未必權時。

附權字辯

邵二泉曰。此權字。莫對經字。看不是處變之權也。權只對立字。看立是持字之義。權是變通之義。孔子無可無不可。從心所欲。不踰矩。無時無處不是權也。若必以處變言權。則變不常。遭將何處以驗學之能。權與否。程子說權。即是經。朱子謂經與權當有辯。都在處變上說。權字。非此章之旨。或問權之義。高中玄曰。權稱錘也。聖人借以言之。自漢以來。皆以為常則守經。變則行權。不知經者。權之衡斤。兩各具星。子有定而不可易。權稱之錘也。往來取中。相為用。而不得以相離。若以常變分經。權是常則用衡。而不用錘。變則用錘。而不用衡也。

曰伊川云經則是大綱大紀。權者於精微曲折處盡其宜以濟經之所不及耳。然乎曰未也。夫權以稱輕重。非以盡細微也。正理所在。莫非經稱之。而使得輕重之宜者。莫非權。若曰經有不及。而以權濟之。則可曰衡有不及。而以錘濟之乎。曰朱子云。經自是經。權自是權。但漢儒權變權術之說。非聖人之所謂權耳。何如。曰權自是權。固也。然不離經也。經自是經。固也。然非權莫能行也。彼權變權術之說。乃無衡之錘耳。何以云權也。曰漢儒反經合道之說。如何。曰經是何物。道是何物。謂既曰反經。安能合道。既曰合道。何謂反經。若曰反經可以合道。是背其星子。而可以得分兩也。有是理乎。蓋經乃有定之權。權乃無定之經。無定也。而以求其定。其定乃為正也。

唐棣章肯。陸象山曰。上節是說階級。不同。夫子曰。舉詩中室。自遠而之。語曰。以掃上節階級。

唐棣之華。偏其反而。豈不爾思。室自遠而。子曰。未之思也。夫何遠之有。

吳因之曰。語意。虛活。不曾明說。個理。只借豈不爾思。反言之。以點醒人。中涵無限意思。言只是不思。那得有遠。中間更着一字。不得。若說未之思。所以遠。誠能思。便不遠。則意味。斬然。

四書說統十二卷終

四書說統

卷十二

十一

山房

[Faded handwritten text, likely bleed-through from the reverse side of the page]

石鏡山房四書說統卷之十三

鄉黨第十

鄉黨章旨○此章當在聖心敬信上發玩首節一於字下節一其在字便見是個時中之聖蔡曦伯曰常人於父兄宗族前誇逞才辯而一遇當場大禮大政所在一籌不能展聖人則恂默於鄉黨而大能發抒於宗廟朝廷可見語默無非天則玩上下文勢信當如此者非兩平分列語

胡雲峰曰夫子在鄉黨非不言而似不能言在宗廟朝廷則當言必言而猶謹於言言心聲也此心信實則訥而不發此心謹慎雖不訥而亦不輕發

只重言註
中貌字不

孔子於鄉黨恂恂如也似不能言者
王觀濤曰恂恂只是樸茂對文飾言不對詐偽言似不能言正
是他樸茂處二句連看勿斷口氣猶云恂恂乎其似不能言與
斷斷兮無他技一樣文法

其在宗廟朝廷便言唯謹爾
謹字即在便便內見之無兩層徐自溟曰於鄉黨則敦退讓於
朝廟則示建明其隱默於鄉黨正以唯謹之心而嘿養其能言
之氣其發舒於朝廟又正展其能言之似而自致其忠孝不容
已之極思上下相形只一意
朝章旨○朝字截起作冒以君為主上節是接下之言曲而當

下節是事上之容恭而安○侃侃是明行其直闇闇是婉行其
直總是一直字跼蹐是趨步不遑與與是跼蹐處中適總是一
敬字

朝與上大夫言侃侃如也與下大夫言闇闇如也
徐自溟曰首著一朝字頗重見是君之朝也是諸大夫所共以
事君之朝也諸大夫既是共朝以事君則所與言之事皆為君
而言侃侃闇闇皆形容其言時之氣度聖人豈以勢位之崇卑
而異待蓋下大夫分等而人衆非直毅且開聚訟之門上大夫
權一而望隆必巽語始臻和衷之雅因人而施無非忠於為國
意○按闇闇所以異於侃侃者在和悅二字而未嘗不諍則與

劉直之意亦同。但帶和悅來便覺羞嫉。爾故曰聽其言也。屬君子之常也。

君在踧踖如也與與如也

踧踖如象其起居不違之狀而與與如又象其踧踖之中適是一箇意象不平對輔潛菴曰踧踖二字皆從足蓋心惧而立不

寧也

陸聚岡曰說君在則天威儼然聖人又豈肯墮越於下故踧踖而不寧亦與與而非矯乃其忠敬自然之心所流注也

使擯章旨○首節是被命之初次節是賓主方見之時三節是君迎賓以入之時末節是禮畢之後各節俱重下半截蓋始終

一於敬而已

君召使擯色勃如也足躩如也

輔慶源曰擯所以接賓者盡主人之禮意而欲賓之無違於禮也勃如顏色之變躩如容止之變心敬於中則容變於外自然之符也

擯考

古者相見之禮主人有擯賓有介賓傳命於上介上介傳之次介次介傳之末介末介傳之末擯末擯傳之次擯次擯傳之上擯上擯傳之主人然後賓主方相見

揖所與立左右手衣前後襜如也

石

石

石

石

此時賓主
俱在門外
舊解傳命
出入之說
非

按左右手正傳賓主之命的事。左其手者。揖未擯而傳主命。不
敢內背君也。右其手者。揖上擯而傳賓命。不敢外背賓也。此凡
為擯者之常禮。重在夫子之衣襟如上。

趨進翼如也

趨進主延賓而入。從其後而趨入以有事也。揖立時而穩如。
是手雖動而身容肅。趨進時而翼如是。足雖動而手容恭。

賓退必復命曰賓不顧矣

賓退是就館時。非辭歸其國也。

入公門章旨。此章以出入二字為關鍵。入有入門過位升堂
三節事。出有降階沒階復位三節事。上是君漸近而敬有加。下

入不平

是君漸遠而敬無已。自始至終。只是一個敬。雲峰曰。初則身
如不容。次則言似不足。又次則氣似不息。君愈近則敬愈加。至
於舒氣解顏。若少放笑。而踧踏餘敬。久猶未忘。則聖人之所以
存心者可見矣。

入公門鞠躬如也如不容

入公門三字是通章綱領。鞠躬二句連着。下句是形容上句

立不中門行不履闕

立行皆入門事。不中不履。即是敬心所形。

棖闕考

或問中門之說。饒雙峰曰。中間有闕。兩旁有棖。棖是大門兩

禮記

卷之

禮記

禮記

旁之木。如今壁尺相似。闈是中間兩扉相合之處。又有一木常設而不動。東西兩扉。各有中。君出入則皆由左。出則以東扉為左。入則以西扉為左。士大夫出入。君門則皆由右。出以闈西為右。入以闈東為右。然雖由右。亦不敢正當闈之中。蓋避君出入處也。

○

過位色勃如也。足躩如也。其言似不足者。按國有朝會。則君立於門屏之間。而卿大夫士之朝位。各列於門外之東西。故孔子入門之時。須過門屏之間。以就朝位。君猶未視朝。故云虛位。

附考

作字作原字解

按曲禮。天子當依而立。諸侯北面而立。天子曰覲。天子當宁而立。諸公東面。諸侯西面。曰朝。爾雅云。牖戶之間謂之康。門屏之門謂之宁。即周禮所謂外朝也。但天子外屏。其屏在路門外。諸侯內屏。其屏在路門內。則宁立之處。天子當在門外屏內。諸侯當在屏外門內。此為不同爾。

○

攝齊升堂。鞠躬如也。屏氣似不息者。堂是內朝。升堂是由階而升堂上。笏則播之。種於腰間。手無所執。故得以攝齊。屏氣似不息。非真不息也。氣肅而息微。似不息者耳。○或曰。自下升高。莫息出入之氣。易粗而喘。令屏氣一似不息。其恭而安可也。

石鏡

○出降一等暹顏色怡怡如也。沒階趨翼如也。復其位蹶蹶如也。出是成拜後出堂降一等者。下堂之階復位者復朝班之位。怡怡如也。正是形容暹顏色。處有媚茲於君之意。趨字連上謂沒階而趨也。翼如是形容之敬。蹶蹶是立容之敬。執圭章旨。按此章以聘為主。享與覲亦聘中之事。論聘又以敬為主。容與愉特敬中之舒徐。做弦曰敬以成禮。和以達情。是一套事。

○執圭鞠躬如也。如不勝。上如揖。下如授。勃如戰色。足蹠蹠如有循。執圭是諸侯始封。天子所命之圭。聘問鄰國則使大夫執以

通信。還則納之於君。如不勝一段。通是假借形容語。丘毛伯曰。夫子一捧着命圭。自頂至踵。手足頭面那一處不為君用。故敬形於躬。則鞠躬如不勝。敬形於手。則上如揖。下如授。敬形於面。則勃如臨戰之色。敬形於足。則縮縮如有循行之度。

附考

周禮太宗伯以玉作六瑞以等邦國。公執桓圭。侯執信圭。伯執躬圭。子執穀璧。男執蒲璧。又秋官大行人時聘以結諸侯之好。聘禮曰。使者載旛帥以受命於朝。君朝服南面。使鄉進使者。使者入。衆介隨入。君揖使者進之上。介立於其左。接聞命。賈人啟積。取圭。垂纒不起而受。宰執圭。屈纒自君左授。

諸侯以圭為瑞

使者。使者受圭。垂繅。以受命。既述命。授上介。上介受圭。屈繅出。

○享禮有容色

行聘禮畢而後行享禮。聘是以命圭通信。少間仍舊退還命圭。享是獻。其圭璧琮璜。非命圭也。皮幣與馬之類。皆拜跪以獻。退而又以物獻其夫人。所獻之物皆受。問庭實。曰皮幣與馬。皆陳於庭。故曰庭實。

附考

禮器曰大享其王事。三牲魚醢。四海九州之美味也。適豆之薦。四時之和氣也。納金。示和也。束帛加璧。尊德也。龜為前列。

先知也。金次之。見情也。丹漆絲纊竹箭。與衆共財也。其餘無常貨。各以其國之所有。則致遠物也。又周禮小行人合六幣。圭以馬。璋以皮。璧以帛。琮以錦。琥以繡。璜以黼。此六物者。以和諸侯之好。

○私覲愉愉如也

聘與享禮。乃其君之信。私覲則聘使亦有私禮物。與所聘之國君。乃其大臣。

附考

按聘禮。擯者出。賓告事畢。賓奉束錦。以請覲。公事畢而請覲。是欲交其歡。敬不用羔者。因使而見。非特來也。諸侯之庭。為

人臣者無外交。不敢貳君也。以君命聘則有私見。不以緝緼飾章。皆○徐倣弦曰。孔子之服。邪正有辨。公私有別。寒暑有宜。表裏有稱。長短有度。吉凶有等。朝祭有經。其動必中。則皆聖心化裁之妙用。

胡雲峰曰。前數章記夫子之容貌。此後記夫子之衣服飲食。容貌無一定之象。故多以如字似字形容之。而不字僅二見焉。衣服飲食有一定之則。故但必字不字直言之。而如字僅一見焉。

○君子不以緝緼飾。此言常服領緣之制。重在不亂其制。上王觀濤曰。齋服所以交神明。練服尚在三年喪內。神人異道。吉凶異宜。故當有別。

○紅紫不以為褻服。紅紫只重間色不正。只舉褻服可該。朝祭或曰。褻服近身衣。以紅紫為之。不宜非以間色賤之不用也。禮服非止用五色之正。雖間色亦有為之者。

附考

禮書曰。青赤玄黃白黑正色也。綠紅碧紫纁緹緇間色也。五行之理有相生者。有相尅者。相生為正色。相尅為間色。故甲巳合而為綠。則綠者青黃之雜。以木尅土故也。丙辛合而為紅。則紅者赤白之雜。以金尅木故也。乙庚合而為碧。則碧者

青白之雜以金尅木故也。丁壬合而為紫則紫者赤黑之雜以水尅火故也。

○當暑衫締給必表而出之

王子淵曰服締給之涼者不苦盛暑之鬱燠襲狐貉之煖者不憂至寒之悽愴何則有其具者易其備

○緇衣羔裘素衣麕裘黃衣狐裘

羔裘朝覲之服取北面之義而尚黑麕裘視朝聘享之服取潔素之義而尚白狐裘蜡祭息民之服以報土功而尚黃楊取袒楊之義裘之上加單衣以袒楊見裘之美曰楊

附錄虛齋曰依語錄則楊在內依集註則楊在外今考之玉藻

曰羔裘緇衣以楊之又曰裘之楊也見矣也服之襲也充美也又記曰曾子襲裘而吊子游楊裘而吊由此觀之則楊在外明矣

附考

白虎通曰裘所以佐女工助溫也狐死首丘明君子不忘本性也羔取其跪乳遜順也鹿之為物善接其類而麕尤出於天性故先王取焉

○襲裘長短之袂○必有寢衣長一身有半

襲裘與寢衣俱私服則長短可以意裁以之安身亦以之利用或曰襲裘對上公事之裘說宜以襲裘長短作句長一身有半

疑是度其身而半之如今之著小衣以便寢者亦非必齊衣也
似無錯簡

○狐貉之厚以居

○節宣吾身之寒暑亦順天時贊化育之一端

○去喪無所不佩

佩玉以象德佩器以備用王逸季曰佩者裹之旗也行清潔者
佩芳德光明者佩玉能解結者佩觿能決疑者佩玦惟去喪則
諸佩俱備見比德於玉小物克勤之意

附考

許白雲曰凡佩有德佩有事佩德佩則有琚瓊珩璜衝牙天
子佩白玉而玄組綬公侯佩山玄玉而朱組綬大夫佩水蒼
玉而純組綬世子佩瑜玉而綦組綬士佩玦而緼組綬若事
佩則如內則所謂左佩紵悅刀礪小觿金燧右佩玦捍管籥
大觿木燧是也君子居喪則去佩君在不佩玉左結佩右設
佩居則設佩朝則結佩齋則結結佩而爵鞞去喪則無所不
佩其制上折衡下有雙璜中有琚瑀下有衝牙貫之以組綬
納之以蠶珠而其色有白蒼赤之辯其聲有角徵宮羽之應
其行有采齊肆夏之節其象有仁智禮樂道德之脩
紛悅抵物之中也刀礪小刀及礪石也小觿解小結大觿解
結狀如錐銳以象骨為之金燧取火於日本燧所以鑽火

玦發弦者也。捍袷也。管筆驅蓮。刀韞也。

○非帷裳必殺之

王字泰曰。帷裳有事於宗廟朝廷禮法所在不容于殺。自此而外無不殺者。不敢以私服而混於朝廟。可見尊尊親親之心。非止為省費言。

附考

通釋曰。帷幕帳也。朝祭之服。上衣必有殺縫。在下之裳。其制正幅如帷。名曰帷裳。則無殺縫。蓋朝祭法服取其方平。故裳用正幅。上下齊濶。猶今之裯然。裳積是今之衣摺。以人身之腰為小。故於腰之兩旁摺之。使狹以就腰。爾者斜裁其幅。

而倒合之。使上狹下濶。以就腰。而有縫也。殺則無裳積。以其斜裁也。不殺則有裳積。以其用正幅也。白虎通曰。所以名為裳何。衣者隱也。裳者韞也。所以隱形自韞閉也。

○羔裘玄冠不以吊

羔裘朝服。玄冠祭服用之。於吉故不以吊。誠於哀死。內外如一也。

附考

禮記曰。知生者吊。知死者傷。知生而不知死。吊而不傷。知死而不知生。傷而不吊。

○吉月必朝服而朝

朝服二字重敬君也。或曰魯自文公不行視朔之禮。孔子恐其禮廢。故每于月朔必朝服而朝。所謂我愛其禮也。

○齋必有明衣章旨。○子之所慎曰齊。精神在數必字見出。蘇石水曰聖人之齋心齋也。無一念不與神俱也。

○齊必有明衣布。據本義宜補必有寢衣一條。

陳用之曰明衣以其致精明之德。用布以其有純素之心。

楊見宇曰明衣日之所服者白晝如對玄冥也。寢衣夜之所服者夢寐可通鬼神也。

○齊必變食居必遷坐。

王守泰曰夫人心易于玩忽。故飲食起居之間亦必變而遷之。

異于平時所以提撕此心使無時不致其精明也。

食不厭精章旨。○在不多食。○斷上是飲食之制。下是目飲食而

類記之。總重在節飲食上。○李九我曰此一章不但見聖人飲

食之節。且見其衛生之嚴。徐玄扈曰此章句句有不字。聖人節

欲處多。

吳因之曰道不外日用。聖人非必矯拂人情以自異也。記者默

窺其意而記之曰不厭精不厭細其節制之妙正在人情中發

出天理作用而老莊必曰五味令人口爽是欲絕之也。嗟乎此

吾儒異端所以別也。孫淮海曰人莫不飲食也鮮能知味也。孔

子可謂知味矣。粗言之不過日用之常而精言之可通神明之

四書說義 卷十 十一

德安可以其微而忽之哉

○食不厭精膾不厭細

輔慶源曰以是為善情也亦理也必欲如是則流為口腹之欲

矣

附考

儒書以精鑿喻學精鑿皆言米也穀一石得米六斗為糲一石五斗為穀得四斗為鑿得三斗為精出丹鉛錄飯之美者玄山之禾不周之粟陽山之稌南海之秬出呂氏春秋牛與羊魚之腥聶而切之為膾麋鹿為菹野豕為軒皆聶而不切出禮大傳

○食饘而餲魚餒而肉敗不食色惡不食臭惡不食失飪不食不時不食

徐儼弦曰食饘而下一步深一步語但自必不可食者推起耳不然饘餲餒敗常人亦能辨之何待聖人食之精膾之細膏梁者所深嗜而特不厭無口腹之欲也食之餲魚之餒饑渴者所不擇而必不食無口腹之害也

附考

饘是飯初成而溫熱氣盛之時餲是飯已久而味變也餒自內出敗自外入兵陣外破者曰敗失飪味不得其和不時物不足於氣

石鏡

石鏡

石鏡

石鏡

○割不正不食

王字泰曰林氏以為割乃宰割之割如大夫無故不殺牛士無故不殺犬豕是也豈非所謂用以禮者歟尤西山曰割不正者飲食之淫巧奢靡也恣口腹之欲而至於害性故不食之此聖人飲食之儉素也

○不得其醬不食

饒雙峰曰古之別飲食者使人食其物則用其醬不是氣味相宜必是相制不得則非特不脩亦必有害其指所食物而言

附考

濡鷄藍醬實蓼濡魚卵醬實蓼濡鱉醢醬實蓼魚膾芥醬麩

腥醢醬出肉則濡讀為肺烹煮也實蓼者實蓼於腹中也卵

醬魚子為醬

○肉雖多不使勝食氣

陳北山曰人得元氣以生穀氣以養肉氣以輔肉氣勝便滯穀氣穀氣勝便滯元氣元氣充行者壽不使肉勝穀者養生之理當然也

○惟酒無量不及亂

袁了凡曰酒若有量而不亂何難之有惟無量不及亂所以為難情不必矯而性自不易所謂不為酒困也亂無亂德亂儀者不及二字可味

石

卷十三

十四

石

伊川曰聖人豈有作亂者事但恐亂其血氣致疾語言錯顛容

貌傾側皆亂也輔慶源曰此亦聖人從心所欲不踰矩之一端

沽酒市脯不食

輔慶源曰衛生之嚴也

附考 註訓沽為買鄭康成訓沽為權沽之沽詩云無酒沽我毛氏

註謂一宿酒曰沽○析而乾之曰脯全而乾之曰腊

不徹薑食

薑味辛得天地之義薑性温待天地之和

不多食

輔慶源曰當食者不去可食者不多惟理是從所欲不存也○

祭於公不宿肉祭肉不出三日出三日不食之矣

吳因之曰養生報死原無二道聖人之心貫乎幽明徹乎人鬼

雖尋常飲食間而心思意念有與天地祖宗相通者自無往

而非仁人孝子之念報本及始之誠○不宿肉者公胙不留神

之惠不出三日者家胙不饗神之餘出三日二句是記者推夫

子不出之意

食不語寢不言

食謂正含哺時非謂終食都不語禮云長者有問口有物則吐

之是也。語由人先發言。由已先發。此皆聖心純一而不他。而養生亦在其中。○易曰：君子以慎言語，節飲食。原只一件。

○雖雖食菜羹，瓜祭必齊如也。

朱子曰：曰必祭，明無不祭之食。曰必齊如，明無不敬之祭。蘇子

由曰：終食之仁。吾於食祭見之矣。或曰：瓜字不必更必字。禮云

食祭尚環，是其証也。祭是祭，上古初造飲食之人，註先代字，即

上古。

○附蘇子由曰：禮食必祭。祭先飯，祭乎其始食者也。古者將田，祭

貉，將射，祭侯，用火祭燿，用師祭禡，食必祭先，倉爨必祭先，炊養

老則祭先老，不忘本也。先衣先虞，先蠶先下，先馬先牧，先農先

畜先食先酒，皆其類矣。先王之制禮，無非教也。

○席不正不坐

此須活看，勿泥坐位一件。言聖人心安於正，便是坐席也要正。

蓋舉此以見其無往不正也。輔慶源曰：形於外者，雖小不正不

處，則存於中者密矣。

○附葉少蘊曰：席南鄉，北鄉以西方為上，此以方為正者也。有憂

者，側席而坐。有喪者，專席而坐。此以事為正者也。

○鄉人飲酒，章旨。○徐儆弦曰：聖人居鄉之事，偶記此二條，亦可

以見聖人庸德之行，無微不至。○按王道之行也。以禮教始。

○禮教之行也。以居鄉始。此二條正是聖人敦禮教事，所為觀於

石鏡

○鄉而知王道之易易也。即此意。

○鄉人飲酒杖者出斯出矣。

此亦見恂恂如也。尊高年所以教讓也。斯字可味。

○鄉人儻必朝服而立於阼階。

按儻之禮見於周官則王制也。阼階乃主人之位。朝服所以示

敬也。徐鴻洲曰。聖人朝服臨儻。想古禮所沿存而不廢。鄉人所

習聽而弗違也。縱其說或誕而聖心不妄也。且蹀躞庭除事極

狂悖而聖人端冕正笏儼然當階其何物之不正。或曰此是聖

人不違俗亦不混俗意。

附考

按儻作難。周禮夏官方相氏。掌蒙熊皮黃金四目。玄衣朱裳。

執戈揚盾。帥百隸而時難。以索室毆疫。古者一歲三儻。季春

命國人儻以畢春氣。仲秋。天子儻以達秋氣。季冬。天子命有

司令鄉人大儻以逐疫。以達陽氣。

○問人於他邦再拜而送之。

王字泰曰。再拜而送。非拜使者。拜所問之人也。使者所以將我

命。往見其人。拜送則如親見其人矣。不以遠而廢敬也。

○康子饋藥。拜而受之。曰丘未達不敢嘗。

揚龜山曰。康子饋藥。孔子既拜而受之矣。乃曰丘未達不敢嘗。

此。於於。神人。爾。然。聖人。謹疾。豈敢嘗未達之藥。既不敢嘗。則直

言何用委曲。微生高乞隣醯以與人。是在今之君子。蓋常事。爾然。孔子不以為直。以辭康子之言。觀之。信乎其不直也。

○既焚子退朝曰。傷人乎。不問馬。

要在倉卒不及計較之時。看若斟酌於貴人賤畜。何異說夢。

君賜食章首。○首節承君賜之禮。次節侍君食之禮。三節蒙君

視疾之禮。末節趨君召之禮。種種周旋曲中。總是事君盡禮。唐

士雅曰。聖人非求合於禮。惟心之所安。即是禮。要在平常中見

得是聖人事。

○君賜食必正席先嘗之。君賜腥必熟而薦之。君賜生必畜之。

正席先嘗。只重如對君上。不薦及頒賜意。俱輕逮下之仁。奉先

之孝。育物之仁。皆自其敬君者推之也。

○侍食於君。君祭先飯。

侍食于君。君若只自祭。已便先飯。先飯者。一是以膳夫之職。自

任。若為君嘗食。一是以臣子之禮。自處。不敢當客位。若君命之

祭。則亦祭矣。

○疾君視之。東首加朝服。施紳。

禮接君。必立於阼階。疾不能立。而東其首。猶阼階之意。若曰。受

生氣。豈獨君視之時為然耶。東首亦輕。只重加朝服施紳。不敢

以藥服見君。

○君命召。不俟駕行矣。

君命召。不俟駕行矣。

王字泰曰荀子曰諸侯召其臣臣不俟駕顛倒衣裳而走禮也
 以此看禮家活尋常大夫不可以徒行及至趨召則徒行乃更
 為禮而至於顛倒衣裳不為過儀文逐境而移由心而變豈有
 常乎

○朋友死無所歸曰於我殯○朋友之饋雖車馬非祭肉不拜
 胡雲峰曰朋友以義合當殯而殯義也當饋而饋亦義也義所
 當為不可辭義所當通不必拜○姚承菴曰死無所歸則殯不
 以存沒二其心饋非祭肉不拜不以貨財加於禮曰於我殯曰
 字是體貼他心裡的心氣朋友所拜惟有祭肉耳不然雖車馬
 亦必不拜只將祭肉來形車馬語意自重所以不拜上

寢不尸章旨○首二句是敬以處已見齊衰至有盛饌數句是
 敬以待人迅雷風烈句是敬以事天都要見容貌之變意然其
 變也乃所以不失其常

唐士雅曰聖人動容雖總之從容自中而細味此章皆就意想
 所不着處獨發自然而然之義如衆人厲目或出矜持大賓公
 謁時猶作意其他或交際不得不謹朝廷不得不嚴乃曰寢曰
 居曰狎曰褻曰盛饌曰風雷雖尋常日用隨地皆然豈亦有所
 為而為之耶故註僅以為容貌之變而吾謂特重自然而變上
 ○寢不尸居不容

馮厚齋曰寢所以休息易于放肆也放肆則氣散而神不聚居

所以自安無事乎容儀也為容則體拘而氣不舒二者非養心之道○此正聖人與天地共卷舒之象

○見齊衰者雖狎必變見冕者與瞽者雖褻必以貌狎以人言是平日熟識者褻以地言是尋常習見者變是惻然驚哀貌是儼然致敬

○凶服者式之式負版者

此以車中所見言式凶服是哀人之死為生靈動吉凶之感式負版是重民之生為國家觸聚散之思周玉繩曰式負版聖人有無限情况其轍環天下皆為生靈之故一旦車中遇此版藉即林總如在目前即有三代生聚之想叔季憔悴之悲自不覺其式而敬之也

附考

周禮秋官司民掌登萬民之數自生齒以上皆書於版異其男女歲登下其死生及三年大比以萬民之數詔司寇司寇獻其數於王王拜受之登於天府

○有盛饜必變色而作

緣其意以致敬禮之於賓主也或曰聖人之情安於質儉饜盛則奢有傷於中色變而起示不儉也

○迅雷風烈必變

王氏曰迅雷風烈天之威也天子當察於天下諸侯卿大夫當

自察於國。士庶人當自察於身。王守泰曰：聖人即天。天變，聖人安得不變？舜烈風雷雨不迷，見知天之至。夫子迅雷風烈必變，見事天之誠。徐自溟曰：此與春秋記災異意同。

○弁車必正立執綬

正之一字，是上下文關鍵。綬是挽以上車之索，非僕人所執之纜也。弁車而曰執綬，方欲挽之以上也。此其立特暫時耳，而必正立以執之，見造次不離於正之意。

○車中不內顧，不疾言，不親指。

唐士雅曰：聖人心安於正之妙，莫可形容，故特假不內顧、疾言、親指以形容之。若實說他目容端、口容靜、手容恭，只就說得聖

人如泥塑人相似，而不得其神，非記者立言本旨。

○色斯舉矣，翔而後集。○曰：山梁雌雉，時哉！時哉！子路共之，三嗅而作。

按通章重一時字。色舉翔集，即得時處。三嗅而作，即時舉而舉意也。記此於鄉黨之末，蓋以孔子聖之時所契，無非時也。斯字而後字重，吳因之曰：首言鳥有見機之智，知止之明，而雌雉止於山梁，飲啄得時，便有翔集意。子路共之，徵於色也。三嗅而作，知所舉矣，故特引以為証。

諸解附

徐玄扈曰：夫子與弟子偶爾行遊，瞥見雌雉觸機有感，寓言自

嘆其時。夫子見之。而弟子或未之見。故着曰字。在山梁雌雉之
上。蓋一時景色。描點與二三子共之。但夫子機心盡忘。雖指顧
嘆息而飲啄自如。所謂至人心鳥不亂行者也。一見子路向之
遂驚鳴遠逝。則所謂翔舞而不下者耳。此等自有天機存焉。不
知所以而然。門人就目前拈出。以明夫子為聖之時。而後人以
為淺事也。

巢睫子曰。天地間只是個機字。時未動而機伏。時一動而機呈。
此機人與物共之。但鳥無私欲之累。故其機靈心。惟多私欲之
障。故其機蔽。機者時之候也。色者時之徵也。
周玉繩曰。吉凶共域而藏也。愛憎寓形而著也。利害隨影而遷

也。違天者不祥。故夫子臨河而反視雁而去。此其所以為聖之
時也。子路之仕衛也。曷不隕乎。曷不作乎。集而不舉。夫子寧獨
嘆一雉也。

葉氏曰。春秋終於獲麟。麟出非其時。春秋以作。使麟隱其德。匿
其彩。又安得而獲之。夫子感麟與嘆雉同意。

鄉黨總論附

姚承菴曰。學而一章。是孔子自摹的小影。志學一章。是孔子自
叙的年譜。葉公問子路一章。是孔子自贊的行實。莫我知也夫
一章。是孔子自表的心事。鄉黨一篇。則是門人熟察於俯仰之
間。彷彿模擬孔子的行狀。

徐岩泉曰皆有個恰好天則不待辯量不待安排布置言出便是行出便是此豈着心思所能只緣他心思明淨員融流動活潑直是玲瓏眼竅中透出天理之妙隨時隨處皆有規矩有文采如春工造化不營餘力而千葩萬卉錯然陳列想見至此不覺手舞足蹈矣

楊慈湖曰鄉黨一篇皆夫子之變化如四時之錯行如日月之代明人惟觀其變色屏氣勃如躍如禮數紛然而不知不可度思矧可射思

王龍溪曰論語一書多出於有子曾子門人之手微言隱義間有存者至如鄉黨一篇只記得孔子皮膚影像若是傳神筆

絕塵而奔非步步趨趨之所能及也

忘機曰一滴水具大海味謂一滴水非海不可謂海是一滴水不可行住坐卧穿衣吃飯無非佛也而佛盡於此乎尼父亦復如是王弼州曰鄉黨聖人之用也吾無隱乎爾

